

Q. D. B. V!

EXERCITATIO THEOLOGICO-  
HISTORICA

*De*

ECCLESIAE JUDAICAE  
PROPHETIS

IN GENERE,

*Quam*

*Ex decreto summe Reverendi Theolo-  
gorum Ordinis*

*in*

ACADEMIA LIPSIENSI

*Pro*

LICENTIA

assumendi suo tempore Gradum

DOCTORIS THEOLOGICI,

D. IV. & V. Julii, A. O. R. MDCCXIV.

collatis mutuo sententiis

*publice tuebitur*

JOHANN. GOTTLOB CARPZOVIVS, Dresd.

S. Theol. P. P. Extr. & ad Aedem Thoman.

Lipsiæ Ecclesiastes.

---

L I P S I Æ,

Literis JO. HEINRICI RICHTERI.

*W.*

1683



58700 (15)



VIRIS

*Magnificis, Nobilissimis, Amplissimis,  
Consultissimis, atque Prudentissimis*

Inclytæ Reipublicæ Lipsienfis

DOMINIS

CONSULIBUS,

PROCONSULIBUS,

ÆDILIBUS,

PRÆTORIBUS,

TOTIQUE ORDINI SENATORIO  
GRAVISSIMO,

DOMINIS ET PATRONIS <sup>ME</sup> ~~SUIS~~

singulari veneratione & cultu prosequendis,

*omnigenam, precatus prosperitatem,*

*hanc*

pro Licentia Disputationem

*sacram esse jubeo!*





Non consuetudine, sed ratione ductus, sub illustris Vestri nominis praesidio, hoc quaecunque specimen luci publicae expono, ut quicquid ex se non habet nitoris, ex illius mutuetur splendore. Cujus quidem consilii justas mihi videor gravesque habere causas. Non enim heri est, aut nudius tertius, ex quo Carpzovios benigne excepistis, in sinu fovistis, variisque in utraque republica honoribus auctos, Vobis obstrinxistis: sed complurium jam lustrorum fert affectus ille aetatem, & ex hoc temporum tractu tantum abest, ut quid deferbuerit, quod fieri alias facile consuevit, ut potius nova indies ceperit incrementa, & ad hunc diem intaminatus perduret. Quod factum est, ut divinis auspiciis me quoque, nihil tale vel cogitantem, vel de Vobis meritum, e patria in vestram accersere ecclesiam, muneri sacro admove, admotum tantis ac innumeris cumulari beneficiis.



beneficiis, e re duxeritis, quibus ex merito depradican-  
candis imparem me prorsus profiteor. Neque ve-  
ro ea mihi mens est, ut crebris salutationibus gra-  
vissimas, quas pro reipublicæ salute assidue volui-  
tis, curas intercipere, & vel hac ratione nomen  
apud Vos coram profiteri, frequenter ausim. Plus  
enim satis Vobis saluatorum esse intelligo, nec tam  
quesitis verborum phaleris, aut ad sæculi genium ac-  
morem compositis Vos delectari opinor sermonibus,  
quam ut quisque recte potius officium faciat, taci-  
taque animi veneratione Vestras prosequatur vir-  
tutes. In quod me hætenus incubuisse sedulo, ex ve-  
ro affirmare possum, nihilque me prius habuisse aut  
antiquius, quam ut pietatem Vobis, animi vitæque  
integritatem auditoribus, conscientiam demum su-  
premo omnium Statori ac Numini, quoad cælesti  
datum fuit munere, probarem. Nunc autem, ubi  
ea se offert occasio, qua citra adulationis suspicio-  
nem aut notam, devinctissimam tot in me meritis  
Vestris mentem publice testatam facere licet, mea-  
rum vel maxime esse partium censui, qualemcun-  
que suspendere grati animi tabulam, & mola salsa  
litare, cum hecatombis non detur. Deum itaque  
O. M. supplex veneror, ut prudentissimis consiliis  
Vestris, quibus, divino beneficio, exulceratissimis  
licet



licet temporibus, stetit haecenus respublica Vestra,  
benigniori aura adspiret, eosque largiatur successus,  
quibus & ecclesia, doctrinaque, quae in illa sonat,  
integritas inconcussa persistat, & Urbis hujus flo-  
rentissima ne quid detrimenti capiat salus: Am-  
plissimum vero Ordinem Vestrum intaminatis ful-  
gere honoribus, eamque Vobis felicitatem propriam  
esse jubeat & sempiternam! Dabam Lipsiae, V. No-  
nar. Julii A. O. R. M DCC XIV.

Magnificorum Amplissimorumque  
Nominum Vestrorum

Cultor observantissimus

Johann. Gottlob Carpzovius



# CONSPECTUS DISSERTATIONIS.

- I. Evolutio voc. נבִיָּא / quæ Theologum prisci ævi notat.
- II. Significatio & discrimen voc. נבִיָּא & חוזה / רואה  
Synonyma reliqua, ubi de origine & significatione vocis περὸ φητις.
- III. Alii improprie, proprie alii Prophetæ dicti, quorum definitio & ratio formalis.
- IV. Prophetiæ autor supremus solus Deus est: non diabolus, licet futura nonnunquam præsignificans:
- V. Non hominum sagacitas, vel industria, aut causæ naturales: ubi Pet. Petitus concise, & fusius Spinoza confutantur.
- VI. Divina revelatio vel civilis est: vel Sacerdotalis: vel Prophetica; quarum postrema rursus p. a Judæis, p. a Christianis Doctoribus varie,
- VII. a Spiritu Sancto vero in visionem, somnium, enigma, figuram, & illam, quæ ore ad os appellatur, distinguitur, quibus accensetur Filia vocis, & Θεοπνευσία, ut &, ex nonnullorum mente; revelatio per angelos facta.
- VIII. Preparationes ad recipiendum donum Propheticum sunt 1) Scholæ Propheticae:
- IX. 2) Usus Musicæ sacrae:
- X. 3) Et Ecstasis, a raptu distinguenda.
- XI. Prophetica vero dignitas non angelorum, sed hominum est, (1) utriusque sexus, (2) etiam illiteratorum & tenuium, (3) imo & impiorum nonnunquam, velut Bileami.
- XII. Semper tamen (4) in externo ecclesiæ ætate constitutorum, quod



quod contra Spinosam defenditur, non obstantibus vel Prophetis, quos Judæi venditant, gentium, vel Sibyllarum oraculis.

XIII. Objectum Prophetiæ sunt quævis res arcana & abstrusa, sive præsentis, sive præteritæ, sive futura: maxime Christus, ejusque beneficia, quod contra Manichæos, Theodorum Mopsuestenum, & H. Grotium asseritur.

XIV. Forma Prophetiæ tam in perceptione rerum revelatarum versatur, quæ non per modum habitus permanentis, sed actus transeuntis se habebat, variaque complectitur: ita tamen, ut non abreptitiorum more nescientes, quid dicerent, vaticinarentur; quanquam significationem visionum non semper vel statim in numerato haberent; & ut porro certi essent, se a sancto Numine agi, non illusiones Satanae pati.

XV. quam in prophetiæ facta cum aliis communicatione, quæ vel simplex & aperta, vel symbolica erat, talis tamen, ut promulgatione publica intercedente in omnium illa notitiam perveniret.

XVI. Officium Prophetarum situm erat in 1) docendo, 2) reformando, 3) futura denunciando, 4) intercedendo, 5) neglectam disciplinam vindicando, 6) libros sacros consignando; cujus tamen respectu Prophetæ non iidem erant ac Scribæ vel Actuarii reipublicæ, quod vult Rich. Simonius.

XVII. Characteres Prophetarum sunt 1) prophetiæ cum canone doctrinæ consensio: 2) ejusdem implementum: 3) consensus & testimonium aliorum Prophetarum: 4) vitæ integritas: 5) oraculorum vis ac pondus: 6) miracula: 7) intrepida prædicatione: 8) varia divinitatis indicia & documenta.



Q. D. B. V.

§. I.



Vos Græca appellatione Prophetas vulgo dicimus, haud alia magis proprie Hebræi reddunt, quam voce נביא / cuius nativa significatio a prima ejus origine est arcessenda. Hanc vero minus commode alii, cum R. Salom. Jarchio *ad Exod. VII, 1.* ad verbum נבִּי / quod *progerminare*, tum & *eloqui* est; alii, cum Aben Esra, ad radicem בִּיא *venire* referunt, ingenio & conjecturis plus æquo indulgentes; cum proxime a voc. נבא ortum trahat: quod generatim quidem *vatem ac Prophetam agere*, in specialiori autem sensu & *futura prædicere* notat Deut. XIII, 1. 2. Num. XII, 6. Jer. XXVIII, 8. 9. & *orare*, vel *sacra carmina* instrumento Musico vel cantu modulari, 1. Reg. XVIII, 29. 1. Sam. X, 5. 6. XIX, 24. 1. Chron. XXV, 1. 2. 3. & *interpretis oraculorum divinorum partes obire*, vel Scripturam explicare Exod. VII, 1. coll. cum c. IV, 14. Os. XII, 10. 1. Cor. XIII, 9. Sive ergo נבִּיָּא לֵבִי vatem appelles, futurorum vel certe arcanorum nuncium; sive Deo plenum Musicum, hymnos Numini ac præna canentem; sive cœlestium mysteriorum interpretem; nihil a Prophetæ munis ac indole dixeris alienum. Eodem, ni fallor, tendunt, quæ pererudite de vocis significatu & ortu tradit Heidegg. *Exerc. Bibl. VIII. §. 27. p. 233.* נבִּיָּא *proprie est omnis verborum alienorum, ex alieno, non proprio nutu & voluntate pronunciator, orator,*  

A

qui,



qui, ut R. D. Kimchi loquitur, Echo ad instar, nihil profert aut profatur, nisi quod prius accepit. Radicem vocis, nisi fallor, custodivere Arabes, apud quos נאב vicem subeundi, vicariam operam præstandi notionem habet. Nam orator illius vicem loquendo explet, cujus orator est: atque ita optime נביא dicitur. Est igitur נביא προφήτης Prophetas, Dei videlicet, proprie is, qui voluntatem Dei recte perceptam, non suam, ceu os Dei loquitur vel, ceu calamus Dei, scripto consignat. Neque refert, qualis illa voluntas Dei sit, præterita, præsentia, an futura concernat dummodo loco & vice Dei loquatur id, quod loqui Deus, Spiritus Dei iussit. Paulo aliter, sensu tamen non multum dispar apud celeb. Campeg. Vitrinam de Synagog. lib. I. Part. II. c. 7. §. 3. 4. Prophetas τῶ Θεολόγῃ apud Græcos encomio ac titulo respondet, in quantum uterque in divinæ voluntatis, ad homines denunciatione ac explicatione versatur. Et huc forte respexerunt Patres Ecclesiæ præstæ, cum Prophetas Θεολόγῃ rerum divinarum consultos dixerent. Ita Pseudo-Dionysius Cap. 8. de Cæl. Hierarchia p. 95. τῶν Θεολόγων εἷς, ὁ Ζαχαρίας, Prophetarum quidam, nomine Zacharias: & p. 96. ἕτερος τῶν Θεολόγων, ἰεζεκιήλ, alius Prophetas, Ezechiel. In quem locum ita commentatur Pachymeres p. 104. τὰς ἱερὰς προφῆτας Θεολόγῃ φησὶν, ὡς λόγῃ Θεῷ ἡμῖν ἐξαγγέλλοντες, Sanctos Prophetas Theologos vocat, ut qui sermones Dei nobis annunciant: idemque in c. XIII p. 156. Προφήτην Θεολόγον φησὶν, ἢ ὡς μύστην τῶν κρυφίων, ἢ ὡς Θεῷ λόγῃ λέγοντα, Prophetam Theologum appellat, vel ut Doctorem rerum occultarum, vel ut Dei sermones proferentem. Demum ad huc aliter doctiss. Witsius Miscellan. sacr. T. I. Lib. I. cap. 1. §. p. 2. seq. נביא Numinis amicum ac familiarem interpretatur ad quem Deus veniat, & qui familiariter cum Deo in precibus conversetur; autoritate cum primis verborum, quibus Abrahamum Deus ornat Gen. XX, 7. quibuscum Psaltis oraculum confert Ps. CV, 14. 15. Dudum quidem ante Witsium



in eadem fuit sententia El. Joh. Terferus, qui *annotat. in Gen. XX, 7. p. 61.* Prophetam notare asserit, *qui Deo singulariter sit dilectus*, sensumque loci reddit: *Mihi adeo charus est Abraham, ut si eum offendas, me simul offendas.* Verum nihil obstat, quo minus in allegatis locis trita Prophetæ significatio locum obtineat, cum & Abrahamum, & reliquum Patriarcharum chorum in Prophetarum ordine ac censu habendos esse, ex paulo post dicendis manifestum sit futurum.

## II.

Præterea vero, qui **נביא** erat, idem **רואה** quoque, & **חזה** *Videns*, nonnunquam audiebat, perinde ut **ראה** & **חזה** *videre*, idem sæpe valet ac prophetare Jes. XLII, 20. Thren. II, 14. Ezech. XIII, 9. 16. XXII, 28. & **חזון** / **חזון** / ac **מראה** *visio Prophetica* est Ezech. VII, 25. Jes. I, 1. XXII, 1. Dan. VIII, 16. 17. non eam tantum ob causam, quia Prophetæ Dominum aliquid prænunciantem, aut etiam imagines rerum futurarum videbant, Num. XXIV, 4. si non corporis oculo, certe illo mentis, multo, quam hic est, acutiore, quæ Ludov. Vivis est explicatio *Comm. ad Lib. XVII. de Civ. Dei cap. 1. Opp. Augustini T. V. f. 938.* Sed quia visio quoque de quovis cognoscendi modo passim in Scripturis usurpatur Exod. X, 10. Jer. V, 12. Quanquam autem nonnihil discriminis inter hæc tria vocabula intercedere, ex 1. Chron. XXIX, 29. satis appareat, ubi res gestæ Davidis scriptæ dicuntur *in verbis Samuelis* **הרואה** *Videntis*, & *in verbis Nathanis* **הנביא** *Propheta*, & *in verbis Gad* **החזה** *cernentis*; præterea quoque observare liceat, quod Samuel frequenter **רואה** 1. Chron. IX, 22. XXVI, 28. & Gad **חזה** 2. Sam. XXIV, 11. 1. Chron. XXI, 9. XXIX, 25. uterque porro *Propheta* dicatur, neque tamen ordine inverso Samueli unquam elogium **חזה** / aut Gado titulus **רואה** tribuatur, Nathan demum **נביא** tantum audiat, quod sane casu, aut temere factum, nemo facile dixerit: ipsum tamen discrepantiæ



momentum, in quo versetur cardine, doctissimi virorum se ignorare fatentur. Incerta enim perquam differentiae ratio est, quam Scipio Sgambatus *lib. II. Archivorum Vet. Test. Tit. XXII. p. 293.* tradit talem: *Propheta & Videns differunt. Videns enim רואה est, qui res futuras mente assequitur: Propheta נביא est, qui eas ore profert ac pronunciat.* Rursum videntur differre רואה & ראה quorum utrumque vertitur Latine Videns. Sed Roéb dicitur de Samuele, & significat clare, & in aperta luce aliquid conspiciari: Choséb, quod de Gaddo dicitur, aliquid obscurius significat. Quæ plane sibi non constant. Nam nec ore proferre ac pronunciare quicquam posset Propheta, nisi mente prius id percepisset, adeoque רואה fuisset: nec Videns res futuras in sui, sed aliorum potius gratiam mente assequabatur, adeoque proloqui perceptas necesse habebat. Rursum obscure perquam videbat Samuel 1. Sam. XVI, 6. sqq. contra vero ea, longe clarius Gad, 2. Sam. XXIV, 11. sqq. Verò itaque paulo videtur similis, רואה proprie esse ἐνσπύριον, qui oculos mentis in rem, contemplationi suæ oblatam, alte defigit, & vultu immoto in ejus intuitu hæret, 2. Reg. VI, 11. quæ omnis vis non est in voce ראה / quippe quæ simpliciter notat, qualemcunque rei speciem in phantasia descriptam videre, non in ecstasi tantum, sed & per quietem, Gen. XXXI, 10. XLI, 22. vocisque adeo ראה latiore esse significationem, quæ Vitringæ erudita est hariolatio in *typo doctrina Prophetica cap. 1. §. 3. p. 4.* quod tamen discrimen in Scriptura ubivis servari, ipse Vir clariss. pro certo affirmare non audet. Vir Hebraice doctissimus Joh. Coccejus in *Lexico Hebr. in voc. רואה* ita existimat: Samuelem vocari ראה *Videntem*, a voce divina, quam accepit veluti coram ex ore Dei: *Prophetas* dici eos, qui publice locuti sunt: רואה dici omnes, qui revelationes haberent, sive in ordinario studio ac meditatione, per Scripturam, sive per extraordinariam inspirationem. *Ista*

vero



vero, quæ assignat, discrepantiæ momenta, quoniam passim  
 mutuo convertuntur, ita ut Prophetæ quoque vocem divi-  
 nam veluti coram ex ore Dei perciperent, & **חזיונים** pariter  
 atque **רואים** divinæ voluntatis interpretes essent, qui pu-  
 blice loquerentur, vix videtur solidam Coccejus assertionis  
 suæ rationem allegare potuisse. Ut taceam, unum nonnun-  
 quam de altero, **נביא** de **חזן** prædicari 2. Reg. XVII, 13.  
 Unde satis, opinor, constat, esse quidem aliquod inter hæc  
 vocabula æque ac munia discrimen, quod tamen, quale sit,  
 hodie ignoretur. Præter hos alii quoque honorum sunt ti-  
 tuli, quibus æque ac Sacerdotes, cæterique Numini, ejusque  
 cultui dicati, in Scriptura mætantur Prophetæ, ut cum **אנשי**  
**האלהים** *Viri Dei*, a Deo toti pēdentes, ac in & cum Deo  
 viventes, 1. Sam. IX, 8. 1. Reg. XIII, 1. 1. Tim VI, 11. 2. Petr. I, 21.  
**אנשי הרוח** *Viri spirituales*, a sacro Spiritu afflati ac moti, Hof. IX, 7.  
**מטיף** *stillatores*, Mich. II, 6. n. Am. VII, 16. quorum ser-  
 mo fœcundioris ad instar (Deut. XXXII, 2.) stillat: **צופים**  
*speculatores* Es. LII, 8. Hof. IX, 8. qui velut in specula consti-  
 tuti excubias agunt: **שמרים** *custodes* Es. LXII, 6. qui, de mu-  
 ro longe prospicientes, appropinquantis periculi commone-  
 faciunt civitatem Dei: **מלאכים** *nuncii* Dei ad homines  
 Hagg. I, 13. & communi nomine **עבדי האלהים** *servi Dei*  
 2. Reg. XXI, 9. Ezech. XXXVIII, 17. Dan. IX, 10. Jer. VII, 25.  
 salutantur, in quibus exponendis, cum Commentarii in ci-  
 tata loca otium fecerint, nobis nunc prolixioribus esse non  
 licet. Unum est, quod addo, **προφήτας** encomium, Matth. X,  
 41. XI, 9. 13. Act. XI, 28. XXI, 9. 1. Cor. XIV, 3. & alibi passim,  
 tum de priscis illis antiquioris Fœderis vatibus, tum de Do-  
 ctoribus ecclesiæ Christi primitivæ, tum & usurpatum legi de  
 iis, qui Deo afflante futura prædicebant. Cujus originem  
 juxta ac significationem propriam edisserens Eusebius, *De-*  
*monstr. Evang. lib. V. f. 209.* videri sibi inquit **εὐ καὶ ἀληθῶς**



Προφήτας ἀποκαλεῖν παρὰ τὸ προφαίνειν καὶ προφωτίζειν ἐν αὐτοῖς τὸ  
Θεῖον πνεῦμα, μὴ μόνον τὰ παρόντα, ἀλλὰ καὶ τῶν μελλόντων ἀληθῆ  
καὶ ἀκριβῆ γινῶσιν, *bene recteque Prophetas vocare a verbo  
προφάνω portendo, significo: quod divinus in eis Spiritus ante  
ostendere, & lumine suo anticipare, non presentium modo, ve-  
rum etiam futurorum veram certamque cognitionem consueverit.*  
Sed rectius a προφητεῖαι derivatur, quod prædicando futura  
inducant, quo Isidori Hispalensis facit explicatio, qui *lib. VII.  
Origin. seu Etymologiar. cap. VIII. f. 50.* quos gentiles, inquit,  
*Vates appellant, hos nostri Prophetas vocant, quasi Præfatores,  
quia porro fantur, & de futuris vera prædicunt.* Quæ angu-  
stior paulo, & etymologica vocis significatio, usu Scripturæ  
& ecclesiæ, ad universum illum functionum sacrarum, quas  
supra allegavimus, ambitum extenditur, ut æque late pateat,  
quam Hebræorum נביא / & quosvis Scripturæ interpretes,  
1. Cor. XIV, 29. 32. 37. ecclesiæque Doctorum ordinem certum  
Eph. IV, 11. complectatur.

### III.

Ceterum cum unaquæque fere gens suos olim haberet  
vates, quos μάντις Græci, a furore, quo perciti oracula fun-  
debant, & χρησμάδης, aut χρησμολόγης, ab oraculorum elo-  
quio vel cantu appellabant, eaque Cicerone teste *lib. I. de di-  
vinat. ab init. vetus sit opinio, jam usque ab heroicis ducta tem-  
poribus, eaque & populi Romani, & omnium gentium firmata  
consensu, versari quandam inter homines divinationem, quam  
Græci μαντικὴν appellant, id est, præsentionem & scientiam rerum  
futurarum: factum hinc est, ut Prophetæ notio vel impro-  
prie nonnunquam ad Pseudo-Prophetas juxta  
ac gentilium designandos vates, ut ex 1. Reg. XVIII, 22. Jer  
XXIII, 11. 13. 14. 15. 21. Hos. IX, 7. 8. Mich. III, 11. Zeph. III, 4  
Zach. XIII, 2. apparet, quo sensu Paulus etiam Epimenidem  
Poëtam Tit. I, 12. Prophetam dicit, ex Cretensium san-  
opinio*



opinionem, qui divinationis eum peritissimum censebant; vel proprie pro iis, qui ὑπὸ πνεύματος ἁγίου Φερόμενοι ἐλάλησαν, acti & impulsivi a Spiritu Sancto, locuti sunt, 2. Pet. I, 21. Veri ergo nominis Prophetæ, homines erant, divina luce collustrati, res vel sublimitate sua abstrusas, vel eventu adhuc futuras, & naturali sagacitati impervestigabiles atque incognitas, ex divina revelatione percipientes, & vel per signa, vel per verba cum aliis, quorum eas scire intererat, communicantes ad gloriam Numinis, & ecclesiæ ædificationem, vel ad informationem nonnumquam privatorum. Nec enim quilibet, divina gaudens revelatione, Propheta statim dici meretur, sed requirebatur amplius, ut interpretem divinæ voluntatis & revelationis ad homines ageret, aut agitante incalescens Numine, hymnos pangendo vel canendo, alios instrueret aut excitaret. Abimelechum quippe, Labanem, Pharaonem, Nebucadnezarem, alios, divinitus in somniis monitos, extraordinariis accepimus gavisos fuisse revelationibus, nusquam tamen in Prophetarum censum relatos. Quo respiciens Augustinus *quest. 17. in Exod. T. IV. Opp. p. 130. nihil aliud esse Prophetam Dei*, inquit; *nisi enunciatorem verborum Dei hominibus, qui Deum vel non possunt, vel non merentur audire.* Neque rursus omnes, qui de rebus divinis populum instruebant, Prophetæ cluebant, cum ab horum ordine Sacerdotes, Jer. II, 8. & passim alias, distingui videamus, quorum tamen haud postremæ in eo sitæ erant partes, ut legem interpretando, cultus rationem docendo, ac exemplo præeundo, quin & per Urim & Thummim de dubio futurorum eventu responsa dando, voluntatem Dei populo denunciarent: sed peculiari præterea opus erat motu divino, & interna luce, quæ supra vulgarem naturæ captum saperent, agerentve. Utrumque complexus Philo *lib. de præmiis & pœnis, Opp. p. 711. E. concise nec incommode Prophetam definit: ἐρμηνεύς ἐστὶν ὁ προφητῆς, ἔνδοθεν ὑπὸ πνεύματος*



ὁ πηχῶντος τὰ λεγέα τῷ Θεῷ, *Propheta interpretis Dei est, dictantis intus oracula.*

## IV.

Porro quidem satis constat de eo, nullum absque Numine, ejusque singulari prorsus & extraordinario influxu Prophetam evasisse. Ipse sibi Deus hoc ἀρχηνα vendicat, quod e reconditæ sapientiæ suæ penu instruat servos suos, Jes. XLIII, 12. Amos. III, 7. Idque, ut Theologi loquuntur, opus ad extra, omnes Sanctæ Triados personæ invicem habent commune, sic ut Patri tribuatur Os. I, 2. coll. 7. Ebr. I, 1. 2. Apoc. I, 1. Filio Zach. I, 9. & Spiritui S. 2. Sam. XXIII, 2. Act. I, 16. 1. Petr. I, 11. 2. Petr. I, 21. Ut adeo frustra sint, qui vel diabolo accepta quædam ferunt vaticinia, vel ad naturalem referunt ἀγχωρίαν, solertiam aut sagacitatem. Dæmone quidem plenos gentilium augures, aruspices, & Pseudo-Prophetas facile largior futura prænunciassent, quibus eventus satis nonnunquam exacte responderit, quod de Saule Pythonissam consulente ex 1. Sam. XXVIII, 19. de Cræso, Juliano, aliisque ex Theodoreti *de Græcar. affection. curat. serm. X. de Oraculis, Tom. IV. Opp. p. 628. sq.* constat, nec ipse Deus abnuat Deut. XIII, 1 sqq. Idque quo pacto eveniat, scite & breviter explicat b. Joh. Meisnerus *de Prophet. Sect. II §. 7. p. 30.* cujus huc transferre verba e re præsentis est. Ita autem habent: *Quod aliquando vera prædicit diabolus, ea vel conjectando, vel pro incredibili sagacitate, quæ sine dubio omnium hominum ingenium excedit, agentia naturalia passivis aptando, aut unam rem pro altera insensibiliter substituendo, assecutus est; vel maxima celeritate, qua pollet, quæ revera jam in occidente existunt, ipse autem vel audivit, vel aliter comperta habet, sed propter locorum distantiam ab hominibus sciri non possunt, in oriente pronunciat: vel ex Dei revelatione, cum opera ejus in puniendis hominibus utitur, addidit; vel denique tale quid est,*



est, quod permisso Dei ipse facturum alias erat, ut de morbis, fame, peste, facile intelligitur. Certo tamen singula prænoscere futura, suisque ea mystis suggerere posse prædicenda, Deo uni ac vero adeo est proprium, ut hoc velut κειμήλιον a gentiliū Deastris se distinguat, Es. XLI, 22sq. XLIV, 7. *Idoneum enim, inquit Tertullianus Apologet. c. XX. T. I. Opp. p. 20. testimonium divinitatis est veritas divinationum: æque ut Chrysostomus Homil. LXXVII. in Job. T. II. Opp. in N. T. p. 497. graviter pronunciat: Θεὸς τὸ τοῦ μάλιστα ἰδίου, τὸ λέγειν τὰ μέλλοντα, Deo maxime proprium est, futura prædicere: & rursus Homil. XVII. in Job. τὸ τοῦ γὰρ μάλιστα ἔργον Θεοῦ, ὅπερ ἔδὲ μιμήσασθαι δύναται ἂν οἱ δαίμονες, καὶ σφόδρα φιλονεικῶσι, hoc enim vel maxime Dei opus est, quod neque demones imitari possunt, quamvis majorem in modum nitantur.* Hinc est, ut non tantum plane falsa interdum prædicerent vates a malo genio agitati, ut 1. Reg. XXII, 12. 13. sed etiam tam perplexa ut plurimum & intricata, tam ad deceptionem & illusionem sciscitantium studiose composita, ut in affirmantem æquo jure traxeris oraculum, quam negantem partem. Ipse ex hac ratione Apollo λοξίας dictus, & Cicero fraudibus vatum ac imposturis in eam adductus est sententiam, ut omnia potius Ethnicorum oracula ridere, naniisque ac fabulis accensere mallet, quam obscuritatis aut mendacii labem supremo Numini adspargere. Hinc lib. 2. de divinat. diserte fatetur, oracula Apollinis, quibus Chrysippus totum volumen impleverat, partim falsa esse, partim casu vera, ut in omni oratione sit sapissime, partim stilo quædam obscura, ut interpretes egeret interprete, & sors ipsa referenda esset ad sortes, partim ambigua, & quæ ad Dialecticum essent referenda. Nec imposturas illas fraudesque oraculorum concoquere potuit Lucianus, irrisor licet religionis Christianæ, quin in Dialogo Junonis & Latonæ Tom. II. Opp. p. 12. in hanc erumperet confessionem: ὁ δὲ Ἀπόλλων προσποιεῖται



μὲν πάντα εἰδέναι, καὶ μαντεύεσθαι. καὶ καλῶς ἠσάμενος ἐργασήρια  
 τῆς μαντικῆς, τὸ μὲν ἐν Δελφοῖς, τὸ δὲ ἐν Κλάρῳ, καὶ ἐν Διδύμοις, ἔξα-  
 παλᾷ τὰς χρωμένους αὐτῷ, λοξὰ καὶ ἐπαμφοτέρωθεν πρὸς ἐκάτερον  
 τῆς ἐρωτήσεως ἀποκρινόμενος, ὡς ἀκίνδυνον εἶναι τὸ σφάλμα. Καὶ  
 πλῆθι μὲν ἀπὸ τῶν τοιούτων κ. γ. λ. *Apollo simulat quidem omnia sci-*  
*re sese, & vaticinari: & erectis vaticinandi tabernis, hic in*  
*Delphis, illic in Claro, & Didymis, decipit consulentes se, obli-*  
*qua, & in utramque partem questionis propositæ inclinantiâ re-*  
*spondendo, ne videlicet erroris possit damnari: atque ita ex*  
*hoc questum facit, & ditescit, idque prudentiores non latere*  
*addit. Eadem quoque ridet in dial. Menippi, Amphilocho &*  
*Troph. cit. Tom. p. 56. in Jove Tragædo T. III. p. 443. in Jove con-*  
*futato T. IV. p. 257. sqq. & passim alias. Ut jam silentio trans-*  
*mittam, quæ doctissimus Huetius in hanc rem collegit De-*  
*monstr. Evang. Propos. IX. cap. 171. §. 10. p. 1183. Ut adeo vera*  
*ac sancta prophetia, a turbido isthoc & impuro dimanasse*  
*unquam fonte, credenda non sit.*

## V.

Sed nec hominum sagacitati naturali, ingenio aut la-  
 bori tribuendum quicquam est in prophetiæ acquirendo do-  
 no. Pro suo enim beneplacito, hoc æque ac cetera χαρίσματα  
 Spiritus ille Dei, omnium fons ac autor, distribuit unicuique  
 καθὼς βέλεται, sicuti vult, i. Cor. XII, 11. Sunt equidem, qui  
 corporis compositionem vel temperamentum, tum & indu-  
 striam hominum multum huc facere existimant, quemad-  
 modum usu venire videmus, viros prudentes multoque re-  
 rum usu subactos, ingenii sui acie, & præsentium cum pristi-  
 nis temporibus collatione, multa sæpe prævidere, haud aliis  
 facile obvia perspectu. *Callidus prospicit malum, & occultat*  
*se; simplices autem transeunt, & mulctantur, Prov. XXII, 3.*  
*XXVII, 12. Talem se vatem jactat Cicero lib. VI. Epist. 6. ad*  
*Cecinam: Si te ratio quædam Etruscæ disciplinæ, inquiens,*  
*quam*



quam a Patre, nobilissimo atque optimo viro acceperas, non fefellit: ne nos quidem nostra divinatio fallit: quam cum sapientissimorum virorum monumentis atque praeceptis, plurimoque, ut scis, doctrinae studio, tum magno etiam usu tractanda reipublica, magnaque nostrorum temporum varietate consecuti sumus. Cui quidem divinationi hoc plus confidimus, quod ea nos nihil in tam obscuris rebus, tamque perturbatis, unquam omnino fefellit. Dicerem, quae antea futura dixissem, ni vererer, ne ex eventis fingere viderer. Sed dispar longe ratio est conjecturarum de futuro rerum civilium naturaliumque eventu, quae cum haesitatione multa, metu erroris, & ignorantia circumstantiarum, causarumque sunt conjunctae; & divinorum vaticiniorum, quarum illae quidem in hominis esse possunt potestate, quanquam non absque divino munere, haec diserte denegantur, cum *nulla Prophetia libitu hominis abata* divo Petro asseratur, *sed actos a Spiritu S. locutos esse sanctos Dei homines*, 2. Petr. I, 20. Nec enim hominum est, futura indubie praenoscere, Coh. VIII, 6. VII, 1. X, 4. Prov. XXVII, 1. quod vel gentiles humana sorte superius agnoverunt; unde scitum illud Hesiodi:

Μάντις δ' ἔδεις ἐπὶ χθονίων ἀνθρώπων  
ὅστις ἂν εἰδεῖν Ζηνὸς νόον ἀγχιόχοιο.

Vates nullus est inter homines terrae incolae, qui noverit mentem Jovis Aegiochi: & illud Anacreontis Od. 42.

Πόθεν οἶδάμεν τὸ μέλλον;  
Ὁ βίος βροτῶν ἀδηλος.

Unde cognoscimus futurum? Vita hominibus ignota est. Hinc Josephus Gen. XL, 8. XLI, 16. juxta ac Daniel c. II, 28 sqq. vaticinandi virtutem sibi denegantes, Deo soli in acceptis referunt; imo & aberrasse a vero deprehenditur Nathan, quando inconsulto Deo responsum dare praesumeret, 2. Sam. VII, 3. Illa vero argumenta, quibus Ammonius apud Plutarchum lib. de oraculorum defectu, & ampliori apparatu Petrus Petitus



de *Sibyllis lib. 1. cap. 8.* demonstrare satagunt, non minus animis hominum vaticinandi potestatem esse innatam, quam vis memoriæ, qua præteritorum recordantur, fuscæ & solide Witfius discussit *lib. I. Miscellan. sacr. cap. 8. toto p. 52.* quæ huc transcribere singula superfedemus. Idem porro *cap. 9.* ex instituto sub examen vocat, quæ Petitus ad hanc firmandam sententiam affert, dum *c. l. cap. 10.* præstantem mentis indolem ac sublimitatem, qualis in Platone, Pythagora, Heraclito, Parmenide, Anaxagora, Aristotele conspicua fuerit; *cap. 11.* temperamentum melancholicum, quod in Mose fuisse tradit ac Helia; *cap. 13.* cælum ipsum, ac siderum positum; *cap. 14.* subterranei quoque halitus haustum, mentem hominum ad vaticinandi facultatem disponere ac præparare contendit; erudito quidem, sed veritati haud usque quaque congruo sermone. Sane enim, ut vel tribus, quod ajunt, verbis vanitatem assertorum ostendam, non tam præstantissima Deus elegisse ingenia, quam simplicia minusque oblucentia, *1. Cor. I, 19 sqq. Matth. XI, 25.* perhibetur. Temperamenti vero, ut nulla ad Prophetiam proportio est & habitudo, sic nec dispositio, cum illa a libera Spiritus S. pendeat dispensatione, quæ nulla naturalium causarum structura coarctanda est, *1. Cor. XII, 11.* Siderum porro vis in liberas & contingentes hominum actiones pariter ac mentes, explosa dudum est, quin & a Deo ipso proscripta, *Jes. XLVII, 13.* Quod & de subterranei halitus haustu intelligendum, quod inauditum inter Christianos commentum, ex imposturis sacrificulorum gentilium, qui ex antris & cavernis responsa dabant, ortum traxit; quas ipsorum fraudes Antonius van Dalen dissertatione gemina de *oraculis Ethnicorum*, ex domesticis ipsorum testimoniis, in apricum posuit & detexit. Ulterius progressus Spinosa, postquam *Tract. Theologico-Polit. cap. 2.* omnem Prophetiæ perceptionem ex imaginatione subjecti, ejus vero certitudi-



itudinem ex signis, oraculo junctis, suspendisset, temperamentum tam arcte cum Prophetia connectit, ut pro diversitate ejus variasse quoque credat vaticinandi facultatem. *Ipsa*, inquit p. 18. *revelatio variabat in unoquoque Propbeta pro dispositione temperamenti corporis, imaginationis, & pro ratione opinionum, quas antea amplexus fuerat. Pro ratione enim temperamenti variabat hoc modo, nempe: Si Propbeta erat hilaris, ei revelabantur victoria, pax, & quæ porro homines ad letitiam movent. Tales enim similia sæpius imaginari solent: si contra tristis erat, bella, supplicia, & omnia mala ei revelabantur; & sic prout Propbeta erat misericors, blandus, iracundus, severus &c. eatenus magis aptus erat ad has, quam ad illas revelationes.* Hæc post interjecta nonnulla ita probare fatagit p. 19. *Primum constat ex illo casu Elise 2. Reg. III, 15. qui, ut Jerobeamo prophetaret, organum petiit, nec Dei mentem percipere potuit, nisi postquam Musica organi delectatus fuit, tum demum Jerobeamo cum sociis lata prædixit, quod antea contingere nequit, quia Regi iratus erat; & qui in aliquem irati sunt, apti quidem sunt ad mala, non vero bona de iisdem imaginandum. Quod autem alii dicere volunt, Deum iratis & tristibus non revelari, ii quidem somniant: nam Deus Mosi in Pharaonem irato revelavit miseram illam primogenitorum stragem, Exod. XI, 8. idque nullo adhibito organo. Rains etiam furenti Deus revelatus est. Ezechieli præ ira impatienti, miseria & contumacia Judæorum revelata fuit, Ezech. III, 14. & Jeremias mæstissimus, & magno vitæ tædio captus calamitates Judæorum prophetavit: adeo ut Josias eum consulere noluerit, sed fœminam ei contemporaneam, utpote quæ ex ingenio muliebri magis apta erat, ut ei Dei misericordia revelaretur, 2. Paral. XXXV. Micheas etiam nunquam Achabo aliquid boni, quod tamen alii veri Propbeta fecerunt, ut patet ex 1. Reg. XX. sed tota ejus vita, mala prophetavit, 1. Reg. XXII, 7. & clarius in 2. Paral. XVIII, 7.*



Ex quibus tandem concludit: *Propheta itaque pro vario corporis temperamento magis ad has, quam ad illas revelationes erant apti.* Verum ut taceam, non tam temperamenti, quam affectuum, quos vocant, potius, & animi variam dispositionem, ex diversa rerum factorumque, quibus fruitur, conditione ac facie oriundam, his exemplis urgeri; adeo præterea lubrica sunt omnia, & ruinoso superstructa fundamento, ut pari exemplorum, qua adstruuntur, copia convelli queant ac everti. Tristis profecto Bileam erat, & valde iratus non asinae modo suæ, quam verberibus cædebat, verum etiam Israelitico populo, quem devovere cum nequiret, amplissimi spe lucri excidebat, neque tamen alia quam læta & benedictionis plena profari poterat, utcunque animum ad diras & maledicta disponere anniteretur, Num. XXII. XXIII. XXIV. Sic Jesaias præter acerbas comminationes, suavissimas quoque edidit promissiones. Jeremias ille mœstus, non captivitatem modo, sed & felicem ex Babylonia reditum, novique Fœderis cecinit c. XXXI. felicitatem. Morti vicinus Elisa, quem tunc temporis præ gaudio exultasse nemo facile dixerit, victoriam tamen adversus Syros Joaso Regi prædicit 2. Reg. XIII, 17. Et sæpius quoque videas, eadem vaticinia, tristi exorsa comminatione, mox latissimas subnectere rerum vices, rursusque tandem in calamitatum quarundam denunciatione desinere; unde juxta Spinosæ mentem conficeres, temperamentum Prophetæ, qui talia edebat, tot vel una hora subiisse vices, quod absurdum. Quid? quod omnis veritas vaticiniorum hoc commento subruatur, cum de læto rerum eventu consultus Propheta, forte tunc tristis, non potuerit nisi tristia respondere, adeoque falsa proferre, quæ ipsissima tandem Spinosæ mens est, cum p. 16. 17. *certitudinem Propheticam non fuisse, nisi moralem*, contendit, & p. 21. concludit, *Prophetiam nunquam Prophetas doctiores reddidisse, sed*



eos in suis præconceptionibus reliquisse, ac propterea nos  
 iis, circa res mere speculativas minime teneri credere; & p. 28.  
 pariter asserit, nos Prophetis nihil aliud teneri credere, præter  
 id, quod finis & substantia est revelationis, in reliquis, prout  
 unicuique libet, liberum esse credere: quo ipso Spiritui Sancto,  
 per os Prophetarum loquenti, fidem habere prohibet, quod  
 quam prope a blasphemia absit, nemo non videt. Confer  
 cum his commentis Joh. XIV, 17. XVI, 13.

## VI.

Soli ergo Deo cum prophetica facultas accepta sit fe-  
 rendam, inquirendum ulterius est, quo medio ac modo ho-  
 minibus eam largiatur? Per revelationem certe, cujus tamen  
 mira in sacris literis varietas deprehenditur. Ut enim alia  
 civilis est, per sortes, cujus exempla in Achane Jos. VII, 14. in  
 Saule & Jonathane 1. Sam XIV, 42. in Jona Jon. I, 7. in Aposto-  
 lis Act. I, 26. regulam vero Prov. XVI, 33. conspiciamus; alia  
 sacerdotalis, per Urim & Thummim, cujus eruditam & co-  
 piosam struxit historiam Buxtorffius F. *Exercit. III. p. 267.* &  
 recentissime Henricus Hülfsius *Comment. in Israelis præcipua  
 prerogativas ac bona sub Vet. Test. Dissert. V. p. 210.* alia demum  
 Prophetica: ita hanc postremam rursus haud unam observare  
 licet. Diserte Paulus, Deum πολυμερῶς, non simul & semel,  
 sed multis vicibus & partibus, καὶ πολυτρόπως, diversimode,  
 nunc nude & absque Symbolorum involucris, nunc veluti  
 veste adoperta, & sub vario figurarum tegmine, Patribus lo-  
 cutum fuisse per Prophetas, perhibet Hebr. I, 1. Et ipse qui-  
 dem Deus, Num. XII, 6. 7. 8. præcipuos revelationum suarum  
 modos recensens, Prophetis sese apparituum testatur במראה  
 per visionem, בחלום per somnium, בחידות in enigmate,  
 בתמנה per figuram, & פה אלהים פה per allocutionem di-  
 vinam. Mirum in modum numerum istum augent Rab-  
 bini, quorum interpres Majmonides, e gentis suæ disciplina,  
 in



in *More Nevoch. P. II. cap. 45. p. 316/99.* undecim recenset gradus Prophetiæ, quorum 1) illapsus sit Spiritus Heroici, quando is induisse Judices & Heroës legitur, & ad præclara patranda facinora impulisse: 2) illa Spiritus S. facultas, quæ Prophetia adhuc inferior, *רוח הקדש אל' עֲזָחוֹנָה* dicitur, cujus impulsu vigilantes & integro gaudentes sensuum ministerio, Psalmos cecinerint, aut salutaria morum præcepta, vel alia, ad ecclesiæ vel Politicæ spectantia commodum, edisseruerint; quaque cum primis Hagiographa V. T. scripta, *כתובים* dicta, edita & exarata sint: 3) verbum Domini, quando Propheta videt parabolam in somnio, ejusque declarationem, quales sint parabola Zachariæ: 4) somnium propheticum, in quo vocem Propheta audit, sed loquentem non cernit: 5) cum vir aliquis in somnio cum Propheta loquitur, ut Ezech. XL, 4. 6) cum angelus ipsi in somnio loquitur, ut Gen. XXXI, 1. 7) cum Propheta Deum se conspiceret in somnio sibi videtur, ut Jes. VI, 1. 1. Reg. XXII, 19. 8) cum interdiu visio obtingit Prophetica, velut Abrahamo, Gen. XV. 9) quando audit in ejusmodi visione vocem sibi loquentem, ut ibi v. 4. 10) quando virum secum loquentem in visione Prophetica conspicit vigilans, ut Abraham in quercubus Mamre, Ge. XVIII. & Josua ad Jerichuntem c. V, 13. 11) quando angelum secum loquentem in visione animadvertit, velut Abraham in ligatione Isaaci. Mosis vero Prophetiæ gradum his omnibus multis parasangis faciunt superiorem, eo quod reliqui omnes Prophetæ mediante angelo sermonem audierint, Moses vero ore ad os, sive coram Deo collocutus feratur, quodque ceteri non nisi per facultatem imaginatricem, quam phantasiam puto, Prophetiam perceperint, solus vero Moses ex propitiatorio inter Cherubinos, absque facultatis imaginatricis ministerio, Deum loquentem audierit, quæ ipsa rursus Maimonidis verba sunt *p. 321.* Verum quam inconcinna & hiulca isthac



isthac sit recensio, quam insufficiens rursus, & citra necessi-  
 tatem tamen copiosa, primo statim intuitu apparet; quam ea-  
 propter R. Joseph Albo ad quaternarium graduum numerum  
 revocat, cujus sententiam Hottingerus exponit *Thesaur. Phil.*  
*Lib. II. cap. 3. Sect. 4. p. 566.* & Henr. Hülsius l. supra cit. *Diff.*  
*III. §. 3. p. 75 sq.* Aliam ingressivam Christiani Doctores, Pro-  
 phetia, seu visionis, ut vocat Augustinus, tres constituunt  
 species: *corporalem*, quæ per sensibilem aliquam repræsentationem  
 contingit, & per imagines sensibus corporeis objectas,  
 ex quibus conceptus mentis nascitur, ideoque vigilantibus  
 tantum exhibetur: *imaginariam*, cum sensui interno vel phan-  
 tasie repræsentatur aliquid, quod alioqui homo non erat ap-  
 prehensurus, vel novas species phantasie imprimendo, vel  
 præexistentes immutando, novoque lumine collustrando: &  
*intellectualem* tandem, quæ non e sensu aut imaginatione  
 oritur, sed immediate a lumine intellectu affuso proficisci-  
 tur, quatenus species intellectuales vel prorsus novæ, vel præ-  
 existentes quidem, sed elevatæ tamen, ac supernaturali lumine  
 collustratæ, intellectui nostro repræsentantur. Hanc Prophe-  
 tia distributionem passim amplexantes Patres atque Schola-  
 stici Doctores, Isidorus *lib. VII. Originum cap. 8. p. 61.* Thomas  
*Part. I. qu. LXVIII. Art. 4.* Alphonsus Tostatus *qu. XI. super lib.*  
*Reg. cap. IX.* uberrime explicant, quos inter Augustinum  
*de lib. XII. de Genesi ad literam cap. XXIV. T. III. Opp. p. 696 sq.*  
 & e nostratibus b. Joh. Meisnerum *de Prophet. Sect. II §. 17-27.*  
*p. 38 sqq.* Aliter rursus doctissimus Witsius revelationem Pro-  
 pheticam *aliam* dicit immediatam, quæ ita a Deo proficisci-  
 tur, nulla ut creata persona interveniat; eamque iterum vel  
 simplicem, solo interno Spiritus instinctu peractam, vel sym-  
 bolicam, accedentibus quibusdam Symbolis insignitam: *aliam*  
 mediatam, quæ intervenientibus angelis ad homines delata  
 fit; in quibus exponendis *Lib. I. Miscell. cap. 3-6. p. 16-41.* prolixè



ac erudite versatur. Demum celeberr. Vitringa *Typi Doctr. Prophet. c. II. §. 3. p. 10.* omnem revelationem divinam Prophetis factam tradit vel interne, absque sensoriorum externorum adminiculo, in imaginatione; vel externe, per vocem aut figuras, sensibus externis vere exhibitas. Sub imaginatione vero intelligi quoque vult affectum vehementiorem, cum imaginatione conjunctum.

## VII.

Nos uti suo quemque sensu facile sinimus abundare, ita missis aliorum distinctionibus, divinæ revelationum Prophetarum recensitioni, Num. XII. traditæ, inhæremus. Primus itaque modus est **בְּמַרְאֵה** *per visionem*, cum vigilantium Prophetarum sive oculis corporis, sive aciei mentis, certæ proponerentur imagines aut figuræ, divinæ voluntatis, rei que manifestandæ indices; ut cum rubum ardentem Moses Exod. III. oculis suis, Ezechiel vero idololatriam Hierosolymitanam c. VIII. mentis acie conspiceret. Nec refert, an interdum hæ visiones obtingerent, qualis Petro circa horam sextam Act. X, 9. usu veniebat; an de nocte, qua Zacharias virum equo rufo vectum, & inter myrteta stantem vidit, c. I, 8. 18. modo somnus abesset. Secundus **בְּחִלּוֹם** *per somnium*, quando dormientes oracula sibi dicta percipiebant mente, vel figuras, rerumque imagines, divinitus phantasie immissas, per insomnia conspiciabantur; qualia Josephi Gen. XXXVII, 7 sqq. Abrahami c. XV, 12 sqq. Salomonis in Gibeone 1. Reg. III, 5. Danielis de quatuor animantibus ascendentibus e mari Dan. VII, 1 sqq. Quæ tamen infidelibus quoque, & extra ecclesiæ gremium constitutis, velut proceribus Ægypti in carcere Gen. XL. Pharaoni c. XLI. Nebucadnezari Dan. II. immissa, Prophetas non statim reddebant, cum non tam somnians, quam somnii interpretationem callens, vates habeatur. Non enim Pharaon, sed Josephus, nec Nebucadnezar, sed Daniel prophe-



tiæ dono gaudebat. Tertius est **בְּחִירוֹת** *in anigmate*, quando aliud repræsentatur, quam quod intelligendum sit, ut erat, cum librum Ezechiel comederet c. III, 1. cum uni lateri incumbere trecentos nonaginta dies, nec non panem, cum excrementis bubulis coctum, comedere juberetur c. IV, 5. 15. Quo spectat Jeremiæ olla fervens & virga vigilans c. I, 11. 12. Amosi canistrum fructuum æstivorum c. VIII, 2. & universa fere Apocalypsis Johannis τὸ θεολόγισμα. Adeoque partim visiones emblematicæ huc pertinent, aliud offerentes, quam quod innuunt; partim locutiones acutæ, & vel ob rei significatæ insolentiam, vel ob mysterium literæ involutum abstrusæ & obscuræ, Ezech. XVII. partim actiones symbolicae Prophetis divinitus demandatæ, ut cum nudus incedere Jesaias c. XX, 2. vel jugum primo ligneum, postea ferreum de collo suspendere & gestare Jeremias juberetur c. XXVII, 2. XXVIII, 13. partim ὀνόμαθεσία mysteriosa, ut Jes. VII, 3. VIII, 1. 3. Hof. I, 4. 6. Quartus modus est **בְּתַמְנָה** *per figuram*, qualis alias quidem Deut. IV, 15. de Deo negatur, hic autem asseritur, nec tam ideam, cum rerum imagines intuemur, ut explicatur ap. Glassium *Philol. S. lib. I. Tr. IV. Sect. I. can. 1. p. 221.* qua sane ratione cum primo visionum genere coincideret; quam speciem aliquam ac **μορφὴν** Dei, visibili corpore ac schemate induti, notat, quem oculis cernebant, loquentemque audiebant; quemadmodum LXX. Senatores in montem Sina una cum Mose, Aarone, Nadab & Abihu admissi, gloriam Domini, h. e. speciem Domini gloriosam, viderunt, Deo ipsorum oculos manu non continente, Exod. XXIV, 9-11. Quo referri forte possent omnes istæ Domini apparitiones, qua Abrahamus hospitem peregre adventantem Gen. XVIII. Jacobus colluctatorem suum c. XXXII. Josua ducem exercitus Domini c. V. Manoah cum uxore virum Dei mirabiliter facientem Jud. XIII. conspexerunt, nisi quis eas ad primi generis visio-



nem pertinere malit; hic vero splendidam admodum & augustam, & humana sorte longe excellentiorem intelligi cupiat Dei speciem, quæ divinam præsentiam statim insinuet, insolitamque videntibus injiciat venerationem ac metum. Ultimus demum, isque Mosi tantum proprius, est *פה אל פה ore ad os*, sive per familiarissimum colloquium divinum, quod Moses cum Domino *de facie ad faciem*, absque alio inter-nuncio & medio, *de ore ad os*, interrogando & respondendo, explicando & replicando, disertis verbis agitabat, quemadmodum amicus amicum alloquitur, libera nimirum *παρρησία* intimique commercii familiaritate, ut non attonitus exhorresceret Moses, animoque & corpore concideret, quod Abrahamo ac Danieli evenisse, Gen. XV, 12. Dan. X, 8. legimus. De qua Mosi prærogativa confer Exod. XXXIII, 11. Deuter. XXXIV, 10. *Hujus viri hæc fuit prærogativa*, apposite ad sententiam nostram inquit clar. Vitringa *Typo Doctr. Prophet. cap. 2. §. 9. p. 14. ut in dubiis casibus Deum consulturus, oratione conversa ad Symbolum divinæ præsentia (ignem, nubi inclusum) quod super tentorium aut arcam residebat, responsum ad interrogata ferret voce humana simili, familiari, communi, quali vir cum viro, amicus cum amico, sermones cadere solet, & in colloquiis amicæ consuetudinis uti. Exemplum cape ex Num. VII, 89. Cum Moses ingrederetur tabernaculum, ut loqueretur cum Jehova, audiebat vocem se alloquentem e spatio, quod est supra operculum arcæ testimonii, inter duos Cherubim.* Addunt adhuc pro more suo nonnulla Rabbini, dum quinque *ἀρχήματα* Mosén reliquos antecelluisse Prophetas censent, quod, cum 1) reliqui omnes in somnio vel visione prophetias acceperint, Moses ex adverso vigilans viderit & stans: 2) cum ceteri interventu angeli prophetarint, hic immediato Dei alloquio gavissus sit: 3) cum reliqui exhorrescerent & liquefcerent veluti, Mosi nihil tale eveniret: 4) cum ceteri non quolibet tempore



tempore vaticinarentur, hic omni, quocunque lubuerit, tempore facultate prophetica polluerit; 5) cum ceteri per decem (juxta *Vajikra Rabba Sect. I. in Thorath Cobanim* vero habetur per septem) אִסְפָּקְלָרִיּוֹת specula viderent, Moses tantum per unum, & cum omnes per speculum maculatum & impurum cernerent, Moses viderit per speculum nitidum; quæ ex Maimonidis *de fundament. Legis cap. 7. §. 6 sqq.* fusius recenser Hottinger. *Thef. Phil. Lib. II. cap. 3. Sect. IV. p. 568 sq.* Ceterum observare adhuc licet, quod nec Abarbenel intactum reliquit, מִרְאֵי fœmin. reliquis Prophetis Num XII, 7. concedi, Mosi denegari, rursus vero מִרְאֵי mascul. v. 8. Mosi assignari, secus autem ceteris Prophetis; unde hanc vocabulorum differentiam exsculpere nituntur Philologi, priori illo visionem specularem & symbolicam, posteriori aspectum clarum & distinctum notari, nec obscure doceri, omnem repræsentationem, Prophetis reliquis factam, subobscuram ac saltem velut imaginis in speculo exhibitæ apparitionem fuisse, non ad amissum omnia reddentem, cum ex adverso Mosi perspicua admodum & absque Symbolorum involucris, explicata fuerit visio, ut est ap. Jac. Gussætium *Comment. Lingv. Hebr. b. v. p. 766. y. 2.* quanquam alibi Scripturarum promiscuus vocum usus obtineat, & מִרְאֵי etiam de aliis Prophetis, v. g. de Ezechiele c. XI, 25. XLIII, 3. & Daniele c. X, 1. legatur. Commemoratis vero istis revelationum Propheticarum speciebus, duas adhuc accensere liceat, minime prætereundas, quarum *altera* est allocutio divina, assa voce prolata, nullam tamen loquentis speciem vel visionem sibi junctam habens, qualis Samueli obtigit, 1. Sam. III, 20. & Saulo in via Damascena, Act. IX, 4. quo celebris illa בְּרַת קוֹר filia vocis referenda quoque erit, sive vox divina cœlitus delapsa, eaque gravis & sonora, instar tonitruï aures percutiens, & veluti ex tonitru; post præcedentem aëris fragorem, nata; cujus



frequentior sub templo secundo usus celebratur, quamque licet in dubium vocet, & partim fabulis Judaicis, partim præstigiis diabolicis accenseat, quæ de illa traduntur a Judæis, Lightfoot *Hor. Talm. ad Matth. VIII, 17. T. II. Opp. p. 275 sq.* non tamen omnino nullam fuisse, clarissima Novi Fœderis testimonia Matth. III, 17. XVII, 5. Joh. XII, 28. 29. evincunt, uberiorque describunt Hottinger. *Thes. c. l. p. 509 sqq.* Buxtorff. *in Lex. Talmud. p. 320 sq.* & Bartoloccius *Biblioth. M. Rabbin. P. II. p. 110. a.* Altera Θεοπνευσία sive interior illa & immediata Spiritus Sancti illuminatio & suggestio est, ad exarandos libros Biblicos determinata, & ἀσφαλείας privilegio munita, quam copiose systemata Theologorum passim describunt. Demum adhuc aliam Doctores addunt, quæ angelorum ministerio & annunciatione peracta sit, quo pacto Danieli angelus adstans visionum interpretationem indicavit c. VII, 16 sqq. VIII, 16 sqq. IX, 16 sqq. ut & Zachariæ Sacerdoti Johannis natalia, ac Mariæ virgini Messiae ortum Gabriel prædixit Luc. I. conf. Apoc. XXII, 6. 16. Quam tamen annunciationem potius, quam prophetiam dixerim, quæ extraordinaria licet, vix tamen ampliorem in mente audientium virtutem exeruerit, quam ordinarium verbi divini præconium ab hominibus, ad id vocatis, peractum. Neque tamen inde sequitur, quod Pseudo-Dionysius ille, Areopagita dictus, *de cœlesti Hierarch. cap. IV. T. I. Opp. p. 25 sq.* evincere allaborat, omnem per angelos revelationem divinam hominibus obtigisse, indeque ipsos nomen hausisse, διὰ τὸ πρῶτως εἰς αὐτὰς ἐγγίνεσθαι τὴν θεαρχικὴν ἑλλαμψιν, καὶ δι' αὐτῶν εἰς ἡμᾶς διαπορευμέεσθαι τὰς ὑπὲρ ἡμᾶς ἐκφαντορίας, quia ipsi primum a Deo illuminantur, & per ipsos nobis nostræ revelationes transmittuntur. §. 2. Licet enim demus, quod in argumenti vicem affert, legem angelorum ministerio ad homines delatam; tum quoque Patriarchas, aliosque ante & post latam legem Viros in Scriptura celebres,



celebres, per angelos monitos, & de rebus divinis, agendisve aut omittendis edoctos; demum etiam in revelando, de incarnatione Christi, mysterio, spectatam angelorum operam fuisse ac fidem: nondum tamen hinc conficitur, eos semper adhibitos, nec absque illorum interventu, Deum se hominibus patefecisse. Istud autem plane lubricum & anceps est, quod porro substernit, fundamentum §. 3. ὡς τῆς Θεονομικῆς τάξεως ἐκείνο Θεσμοθέτης, τὸ διὰ τῶν πρώτων τὰ δεύτερα πρὸς τὸ Θεῖον ἀνάγειν, *quasi id ordo divina legis sanxerit, ut per superiora, ista, quæ inferiora sunt, ad divinum Numen adducantur*, cum & inter ipsos angelos, superiores inferiorum duces & præceptores sint; quod velim demonstrasset, cum vel unum Mosis exemplum, a facie ad faciem cum Deo colloquentis, alia ut taceam, assertionem istam penitus infringat. Quod superest, ex tanta revelationum Propheticarum, quam edisseruimus, diversitate Joh. Tolandi satis convellitur temeritas, qua *in Origin. Judaic. §. 19. p. 168. 172.* omnem Judæorum Prophetiam ad visiones tantummodo & somnia reducere, cumque somniis nihil a Deo significari, nec somnia divina putanda esse contendat, ipsam Prophetiam aut e medio tollere, aut fluxam & ancipitem reddere male sanus satagit, quo de ejus commento *in Programme nostro Inaugur.* copiose diximus.

## VIII.

Satis hinc opinor constare, ad Deum, ejusque revelationem omnis prophetiæ referendum esse ortum, nec adeo humanæ illam, vel angelicæ esse posse originis. Quod tamen eo dictum nolim, ut dispositiones omnes, animique ad recipiendum Spiritum fatidicum præparationes, penitus excludamus: in quibus institutionem Propheticam, Musicam, & ecstasin numeramus. Celebres enim inde a Samuelis tempore memorantur scholæ Prophetarum, quas Samuel I. Sam X, 5.



XIX, 19. Elias & Elisa 2. Reg. II, 3. 5. IV, 38. aliique, pietate, vaticinandi dono, & autoritate præstantes diviniore sapientia magistri moderabantur. Quæ Academia veluti erant omnis cœlestis doctrinae ac sanctimoniae, in quibus Deo sacra juvenus in meditatione Scripturae, in cognitione Dei, ejusque partim attributorum, partim beneficiorum celebratione, in precum, hymnorumque cumprimis pangendorum studio, & omni denique Theologiae parte erudiebatur; tum &, in quibus pii Israelitæ, *μοσχολαγείαν* Jerobeamicam detestantes, cum Jerosolymas ad Sacra facienda tendere Regum tyrannide prohiberentur, Sabbathis & noviluniis confluebant, ut sincera divini cultus & mysteriorum doctrina a Prophetis imbuerentur. Quod ex 2. Reg. IV, 22 sq. haud difficulter colligunt eruditi; hinc & captivus populus ad Ezechielem conveniebat, Ez. XXXIII, 30 sqq. Jam vero ex seminariis istis tot Prophetarum agmina prodibant, ut Sauli recens uncto, ingens illorum obviam fieri turba 1. Sam. X, 10. ut Achabi tempore solus Obadias centum Prophetas abscondere, & favienti subducere persecutioni 1. Reg. XVIII, 4. ut Hierichuntina schola quinquaginta subministrare posset lectos viros, ad inquirendum Eliam, terris exemptum 2. Reg. II, 16. ut Elisa schola centum constaret viris c. IV, 43. Hi porro disciplinae eorum alumni, filii Prophetarum vulgo salutabantur, appellationisque illius vestigia in Apostolica quoque filiorum compellatione, 1. Joh. I, 1. Gal. IV, 19. &c. deprehendere sibi interpretes videntur, quanquam longe prius, in utriusque populi captivitate isthæc gymnasia juxta ac exercitia prophetica expirasse haud abs re credantur. Ceterum, quam inepte Bellarminus ex his Prophetarum scholis Monachatum demonstrare satagat, Petr. Molinaeus docuit in *Vate L. I. cap. 19. p. 34.*



## IX.

Alteram diximus præparationem mentis, ad doni Prophetici recipiendum influxum, Musicam, tam assa voce, quam instrumentis & fidibus modulantem. Ubi quidem notamus, eam partim ad Prophetarum exercitia & munia, partim ad dispositiones pertinere eorum, qui huic se muneri destinabant. Partes enim haud exiguas Prophetiæ constituisse carminum sacrorum & compositionem, & modulatam recitationem, inspirante Dei Spiritu factam, ex iis apparet, quæ supra diximus §. 1. & exemplo Mirjam Prophetissæ Ex. XV, 20. Deborah Jud. IV, 4. chori Prophetici 1. Sam. XIX, 30. Davidis cum primis, & Assaphi, Hemanis atque Jedithunis 1. Chron. XXV, 1. passim confirmatur; adeo, ut gentilium quoque vates, verorum Prophetarum morem secuti, Poësin & Musicam manticæ suæ partem censerent. Sane, cum Porphyrius in *epistola ad Anebonem*, observasset, ὡς τῶν ἐξισταμένων ἐνιοὶ τινες αὐτῶν ἀκρόντες ἢ κυμβάλων, ἢ τυμπάνων, ἢ ἴνους μέλεις, ἐνθουσιῶσιν, ὡς οἱ κορυβαντισόμενοι, καὶ οἱ τῷ Σαβαζίῳ κάτοχοι, καὶ οἱ Μηρίζοντες, esse quosdam ex iis, qui ecstasin patiuntur, qui ita afficiuntur, quoties audiunt vel cymbala, vel tympana, vel certum quoddam melos; quales sunt Corybantes & Sabazii, & matris Cebes mystæ; in investigandis ejus rei causis, & demonstranda Musicæ, in qua divini aliquid ponit, ad afflatus divinos convenientia atque virtute, copiosus est Jamblichus *Sect. III. de mysteriis cap. 9. p. 69*. Ingens tamen hic differentia intercedit, inter eos, qui numine incalescentes & agitati, carmina sacra fundebant, de quorum Prophetica dignitate nemo facile dubitaverit; & eos, qui hymnos Propheticos, ab aliis compositos, ex arte saltem decantabant, quæ Musicorum erat functio in tabernaculo & templo, cultui publico vacantium, & ipso Davide autore, in certas distinctorum classes, quos omnes Prophetas dici, aut prophetasse legi, præter supra di-



ctos Assaphum, Hemanem, & Jeditunem, recte negat b. Seb. Schmidius *Comm. in 1. Sam. X. quest. 8. n. 7. p. 1304 sq.* Sed vero præterea carmina sacra, adhibita modulatione Musica, sæpe eum in finem recitabantur, ut concentu isto excitata mens Prophetæ, & velut reserata, instinctui divino facilius pateret; aut compositis, sedatisque affectibus tranquillior redderetur animus, & disponderetur, quo minus obicem Spiritui vaticinatio poneret. Illustre præbet ejus rei documentum Elisa, qui 2. Reg. III, 15. commotam ira mentem, fidicine accersito, sedabat prius, quam propheticum reciperet influxum. Turba illa Prophetarum, in quam Saulem incidisse 1. Sam. X. legimus, sine haud alio aulædum & citharistam ante se agebat, quam ut Musico concentu animis incallescere, & ad cœlestes sanctasque raperetur meditationes. Hinc scite b. Seb. Schmidius loc. cit. *Colligo, inquit, Prophetas Doctores composuisse olim Hymnos & Psalmos, illosque prævisse canendo discipulis suis, qui filii Prophetarum dicebantur: super discipulos autem, cum audirent Doctorum cantum incipientem, venisse Spiritum Sanctum, ut cum Doctore canerent accurate & harmonice, quæ prius non audiverant & didicerant. Ita certe de Saule juxta verba textus 1. Sam. X, 10. dicendum est: & manifestius etiam vult, quod de eodem extat infra cap. XIX, 24 sqq.* Ubi tamen non tam concentui Musico, quam carminibus, quæ canebant, sacris, quibusque vel supremum celebrabant Numen, vel ardentissime invocabant, virtus ista, animum disponens, adscribenda videtur. Precum enim usum plane eximium, sacrisque vatibus, cum futura vel supernaturalia sibi revelari exoptarent, solemnem fuisse, ex Jer. XLII, 4. Dan. IX, 3. II, 18. & passim est manifestum. Hinc ipse Deus ad Jeremiam c. XXXIII, 3. *invoca me, inquit, & respondebo tibi, ac indicabo tibi magna & abstrusa, quæ non novisti.*



## X.

Tandem quoque aliquam, licet non omnibus communem, mentis præparationem, ad recipiendum gratiæ Prophetiæ influxum, ecstasin arbitramur, talemque mentis emotionem, qua, excluso cessanteque externorum sensuum ministerio, mens tota profundissimæ sublimium & divinarum aut futurarum rerum meditationi vacat, eorumque, quæ in corpore aguntur, prorsus ignara, varias intra se imagines conspicit, sive mysticas rerum figuras, a Deo imaginationi infixas; vel Deum ipsum aut angelum, verba secum facientem, ac de præsentibus aut futuris edocentem, percipit ac audit. Augustinus *ad Simplician. lib. II. quest. 1. T. IV. Opp. p. 642.* ita definit: *Ecstasin nonnulli Latini stuporem interpretantur, mirum si proprie, sed vicine tamen, cum sit mentis alienatio a sensibus corporis, ut spiritus hominis divino Spiritu assumtus, capiendis atque intuendis imaginibus vacet; sicut Danieli demonstratum est, quod non intelligebat, & Petro illud vas submissum de cælo, quatuor linteis.* Eaque tam varia & multiplex deprehenditur ab eruditis, ut *naturalem* aliam nuncupent, causas physicas agnoscentem, qua vel ex morbo, vel nimia meditationum intensiōe, homo ab actu sensuum externorum abstrahitur, ut vel nihil omnino, vel valde tenuiter videat, audiat, sentiat, imo ambiguum quandoque sit, an vita sit superstes; de qua vid. Casp. Schottum *Phys. curios. lib. I. Mirab. c. 55. p. 125 sqq.* aliam *præternaturalem* sive *diabolicam*, qua Spiritus nequam variis impedimentis objectis, & præstigiis sensus exteriores ligat, ut exanimis appareant ita affecti, mentique misere sic deceptorum varia insusurrat & ingerit arcana; cuius exempla Peucerus dedit *lib. de Divinatione* & Bodinus *Dæmonom. lib. II. c. 5.* aliam demum *supernaturalem* atque *divinam*, qua Deus in revelandis mysteriis suis, vel rebus futuris, animo Prophetarum repræsentandis, utitur; quarum ultima



tantum hujus est loci, qua Bileam Num. XXIV, 3. 4. Ezechiel c. VIII, 1 sqq. Petrus Act. X, 10. 11. Paulus Act. XXII, 17. aliique vates divini leguntur gavisi. Neque tamen inde censendum, omnem Prophetarum visionem, quæ extra somnum ipsis contigit, non nisi per ecstasin evenisse, quod quidem e Judæis Maimonides in visionis, quam dedit, descriptione *P. II. More Nevoch. cap. 41. p. 307.* & e Christianis celeb. Vitringa in *Typo Doctr. Prophet. cap. II. §. 5. p. 11.* sat clare innuere videntur, cum vel Mosis visio rubi ardentis Exod. III. aliaque refragentur exempla. Hæc autem ecstasis divina scholasticis passim & interpretibus Scripturæ distinguitur a raptu, qualis Pauli verbis perquam emphaticis describitur 2. Cor. XII, 2. 3. 4. ipsum tamen discrepantiæ momentum non idem constituunt omnes. Thomam si audiamus, ille *II. 2. quest. 176. art. 2.* ita determinat: *ecstasis semper importat excessum a seipso, secundum quem scil. aliquis extra suam ordinationem ponitur. Sed raptus superaddit violentiam quandam, quando nimirum rapitur in id, quod est diversum ab eo, in quod ejus inclinatio tendit, & ita parit violentiam non quidem ex ratione termini, sed modi.* Rursum Gisbert. Voëtius *P. II. Disput. select. p. 1040. §. 3.* ex aliorum sententia ita discriminat, ut raptum latius patere, ecstasin vero speciem quandam raptus dicat, quæ fiat appropriatius in mente. Sed si dicendum, quod res est, plus dicit raptus quam ecstasis, ille cum primis, quo Paulus in tertium coelum se memorat translatus; & ecstasin quidem quandam, sed longe eminentioris rationis, nec omnibus Prophetis communem, involvit. Istud demum adhuc addo, quod, cum ecstasin ad præparationes animi Prophetarum referimus, a præcedentibus illa longo distet intervallo, cum illæ in hominis sitæ sint potestate, quibus obstacula removeat, dono prophetico obicem positura; hæc vero divinum sit medium, ab ipso Numine ad præsentandas animo prophetarum species quasdam



quasdam immisſum, neque tamen prophetiam ipſam conſtituat vel abſolvat, ſed mentem ſaltem ad recipiendum eam diſponat & aptam reddat.

## XI.

Ex his itaque facile colligitur, quod hominum iſthæc ſit, non angelorum dignitas, Prophetiæ gratia ornari. Quamquam enim angelorum miniſterio, in revelationibus ad homines deferendis, uſus quandoque Deus O. M. legatur, ut ſupra vidimus §. 7. porro quoque angeli ex viſione Dei beatifica Matth. XVIII, 10. nec non ex revelationibus eccleſiæ factis, tum etiam ex vaticiniorum eventu, progreſſu temporis multa hauſerint, quæ ipſos antea latebant, adeo ut multifor- mem illam ſapientiam Dei per eccleſiam imperiis ac poteſta- tibus, quæ in cœlis ſunt, notam factam Paulus Eph. III, 10. perhibeat: nuſpiam tamen in Scriptura, Propheticum vel donum, vel munus, vel encomium tributum ipſis deprehen- des. Pertinet huc, quod de angelo h. e. Prophetæ ἐν ναρεῶν ἀγγελίας Judic. II. ad Israelitas divinitus miſſo Auguſtinus *queſtion. XXXI. in Judic. T. IV. Opp. p. 307.* obſervat: *Nomine virorum ſolere appellari angelos, notum eſt; quamvis eum, qui eſſet angelus, appellatum eſſe Prophetam, non facile, ſeu eviden- ter occurrat: eum ſane, qui Prophetæ eſſet, dictum angelum le- gimus.* Quin potius, prout ad gratiæ regnum, non gloriæ, divinum iſtud beneficium ſpectat; ſic hominibus quoque, in regno gratiæ agentibus, ejuſdem Deus concedidit facultatem & uſum, ita tamen, ut pro εὐδορίας ſuæ libertate tam viros, quam fœminas, tam rudes, quam literarum peritos, tam pios, quam impios, cœleſti iſthoc munere maſtarit. Ita quippe ſequior quoque ſexus, cui publice in eccleſia docendi facultatem denegat Apoſtolus I. Tim. II, 12. prophetiæ tamen dono in utroque Teſtamento ornatus a Deo legitur; quem- admodum Mirjam, Moſis ſororem Exod. XV, 20. Deborah



Jud. IV. Hannam, matrem Samuelis, 1. Sam. II. Nojadam Neh. VI, 4. Huldam 2. Reg. XXII, 14. 2. Chron. XXXIV, 22. Hannam viduam Luc. II, 36. & quatuor virgines, filias Philippi Diaconi Act. XXI, 9. Prophetissas sacra fert pagina, & Paulus mulierum in publico ecclesiae Corinthiacae coetu prophetantium mentionem injicit 1. Cor. XI, 15. Sane Joëlis promissio c. II, 29. filias & ancillas, & sequiorem adeo sexum, in Propheticae dignitatis fastigium collocat. Ceterum Rabbini, dum septem Israelis Prophetissas numerant, Mirjam, Deborah, Annam, Abigailem, Holdam, Estheram, circa septimam ancipites hærent, cum alii quatuor obstetrices Ægyptias in ultimum locum reponant, alii Saram nominent, alii Juditham, quas ipsorum nœnias vide ap. Scip. Sgambatum *Lib. II. Archivor. Vet. Test. Tit. XVI. p. 269 sqq.* Præterea non tam eruditione, profapia, autoritate humana, vel potentia pollentes, quos tamen nec omnino exclusit, quam humiles cumprimis, illiteratos ac Idiotas Deus ad Propheticum adhibuit munus, eligens quæ stulta sunt mundo, ut pudefaciat sapientes, & quæ sunt infirma mundo, eligens, ut pudefaciat valida, 1. Cor. I, 27. Non ergo Moesen tantum, in omni Ægyptiorum sapientia regiis sumptibus innutritum, non Jesaiam solum, regio prognatum sanguine; sed Davidem quoque pastorem & in paternis ædibus neglectum, Elisæum agricolam, Amosum pecuarium & sycomoros legentem, Jeremiam admodum juvenem, nec multo rerum usu subactum, Prophetico Spiritu implevit. Quod probe perpendens Gregorius M. Hom. XXX. in Evangelia T. I. Opp. p. 1459. Ecce, inquit, *aper-  
tis fidei oculis David, Amos, Danielelem, Petrum, Paulum, Mat-  
thæum intueor, & sanctus iste Spiritus qualis sit artifex, con-  
siderare volo, sed in ipsa mea consideratione deficio. Implet  
namque citharædum puerum, & Psalmistam facit. Implet  
pastorem armentarium, sycomoros vellicantem, & Prophetam facit.*  
Implet



*Implet abstinentem puerum, & judicem senum facit. Implet piscatorem, & predicatorem facit. Implet persecutorem, & doctorem gentium facit. Implet publicanum, & Evangelistam facit. O qualis est artifex iste Spiritus! Nulla ad discendum mora, agitur in omne, quod voluerit. Mox, ut tetigerit mentem, docet: solumque tetigisse, docuisse est. Nam humanum animum, subito ut illustrat, immutat: abnegat hoc repente, quod erat, & exhibet repente, quod non erat. Porro etiam, quemadmodum sacerdotalis dignitas in eos nonnunquam incidebat, qui pietate profligata, variis sese sceleribus inquinabant, ut filiorum Eli & Caiphæ exemplum, atque tot testantur Sacerdotum increpationes, apud Jeremiam & alios obviæ: ita prophetiæ donum interdum iis quoque concessum videmus, qui carnis mundique illecebris a pristina vitæ sanctimonia abripi, & in transversum se agi paterentur. Nam & Saulem hoc charismate sub regni sui auspicia inclutum, rebellionem ac inobedientiam adversus Deum, & invidia atque implacabili adversus Davidem odio, paulo post conscientiam conspurcasse; & Bileamum, dono quidem ac munere omnino Prophetam, impium tamen, mercedis injustitiæ amantem, & maleficum sacra oracula ferunt 2. Petr. II, 15. Judæ v. II. Tam excellentia quidem & præclara dona, quale istud Prophetiæ est, non facile dixerim in impios conferre Deum, prout & in quantum impii sunt: concredita tamen olim, cum melioris adhuc frugis essent, non statim ab iis, in quantum organa sunt ecclesiæ, auferri, licet ab obsequio Dei fœde desciscant, vel Judæ proditoris exemplum demonstrat, quem haud dubie miraculorum & evangelizandi dono, æque ac ceteri discipuli Christi Luc. X, 17. instructum, avaritia tamen & hypocrisis inquinatam circumtulisse mentem, ante quoque, quam proditoris consilium iniret, ex Joh. XII, 6. apparet. Cum enim hypocritarum quoque sint vera miracula, Christi nomine ac virtute*



virtute edita Matth. VII, 22. quidni & reliqua ministrantia dona, in quibus Prophetia locum haud infimum tenet? Nam & impiorum ministerium saluari gaudet fructu, quod contra Donatistarum veterum ac recentiorum furores Aug. Conf. *Art. VIII.* & Apolog. p. 155. Scripturæ innixa oraculis, solide evincit: hinc non ad impietatem ipsorum, aut ad personæ qualitatē, sed ad præclaros ministerii ipsorum fructus, usumque in ecclesia organicum Deus respicit, quando impiis & concreditum olim munus sacrum, & collata ipsis dona conservat; velut heroicam istam, & humana longe augustiorem Spiritus virtutem, conservabat Simsoni, scelere haud uno gravissime inquinato, non ut luxuriei & impietati ejus auctoritatem hoc pacto aut privilegium conciliaret, sed ut ejus ope ac manu salutem populo ferret, ab hostibus tantum non oppresso. Ea enim prophetiæ, quæ ceterorum est donorum ministrantium natura, ut ex se & per se non sanctificet vel salvet, quos instruit ac ornat, si fidei & bonæ conscientiæ illi faciant jacturam; nec dignitati ejus divinæ quicquam decedit vitio ministri aut prophetæ, cum Bileami de Messia, & felicitate ecclesiæ Judaicæ, oracula sibi constiterint, omnique excipienda fuerint veneratione ac fide, Num. XXIII, 9. 10. XXIV, 17. 18. 19. animo licet subdolo, & auri sacra fame infecto, prolata: æque ut hodiernum vel dignitati, vel virtuti Evangelii nihil quicquam impietate adimitur Ministri, modo sincere proponat. Confer Ps. L, 16. sqq. Matth. XXIII, 2. 3. Viderit ergo Gisb. Voëtius, quomodo asserto suo fidem faciat, quando *T. II. Disp. set. 67. §. 6. p. 1044.* nimis audacter pronunciat, *quod omnes Prophetae proprie dicti fuerint servi Dei, & consequenter salvati, Luc. XIII, 28.* & lubrico fundamento isti salutem Salomonis superstruit. De iis enim Prophetis omnibus Salvatori loco cit. sermo est, qui fideles in servitio Dei perstiterē, adeoque ad Paulinum Sanctorum V. T. catalogum Hebr. XI. spectant; ita tamen



ut alios, qui a Domino desciverunt, suaque ipsi culpa salute ex-  
 ciderunt, a prophetiæ, qua gavisi sunt, gratia non excludat,  
 quod ex allato Bileami exemplo, tum & ex Christi verbis  
 Matth. VII, 22. constat. Sed in Prophetæ encomio nimis  
 ænglſtſ Voëtius est, quando §. 12. pag. 1054. Prophetas analogice  
 saltem dicendos existimat θεόεργς illos, qui inviti propheta-  
 bant ex voluntate Dei, non sua, nec ipsi intelligebant, quid dice-  
 rent, ad quos Bileamum refert, Saulem, Cajapham; contra ve-  
 ros Prophetas & θεοπρόπς eos solum, qui volentes & vatici-  
 niorum suorum probe gnari loquebantur. Bileamum enim  
 Prophetam Scriptura non modo salutatur, sed vaticinia quoque  
 de Messia, florentequæ Ecclesiæ statu demonstrant. Nec divina  
 Jehovah consultatio & collocutio Num. XXII, 9 sqq. nec Spi-  
 ritus Jehovah assistentia c. XXIV, 2. nec divina verborum in  
 os ejus positio c. XXIII, 5. dubitare sinunt, veri nominis Pro-  
 phetam fuisse. Nescivisse vero ipsum, quid diceret, universa  
 non patitur historia, quæ oraculorum suorum probe gnarum  
 ac intelligentem haud obscure docet. Potior ergo mihi sen-  
 tentia Hieronymi videtur, vel quisquis autor fuerit *Question.*  
*Hebraicar. in Genesin T. IV. Opp. f. 96. D. cui Bileam ille divinus,*  
*primum vir sanctus & Propbetes Dei: postea per inobedientiam*  
*& desiderium munerum, dum Israel maledicere cupit, divini*  
*(עֲדֹנִי Jos. XIII, 22.) vocabulo nuncupatus creditur. Et Pro-*  
*phetam quidem veri Dei, sed avarum & improbum fuisse, pro-*  
*lixè demonstrat b. Gerhardus Comment. in 2. Petr. II. évavtio Par.*  
*4. p. 285. quanquam non neget, lucri cupiditate impulsus,*  
*quandoque etiam illicitis divinationibus fuisse usum, præfer-*  
*tim cum inter infideles Dæmoniorum cultui deditos habita-*  
*verit. Consentiunt Judæi, quibus Bileam, dum pius & bonus*  
*fuit, per Spiritum Sanctum, ceu secundum prophetiæ gra-*  
*dum, locutus ap. Maimon. More Nevôch. P. II. cap. XLV. p. 318.*  
*traditur, sed degenerasse postea עֲדֹנִי in divinatorem. Et e*  
 E Refor-



Reformatis suo in Academia Ultrajectina antecessori contradicit Witsius, cujus verba *Lib. I. Miscell. sacr. cap. 16. §. 35. p. 178.* ita habent: *inficiandum tamen non est, eum prophetia dono fuisse præditum, eo tempore, quo Dei cognitio in Syria nondum penitus exoleverat. Quamvis enim multis imposturis & fallaciis uti consueverit, a Deo tamen, non a demoniis, consilium & prænationem futuri petiit ac consecutus est: Deusque eum in visione nocturna non minus familiariter compellat, quam unum e servis suis.* Sed hæc de Bileamo. Alia vero eorum est ratio, qui ad breve saltem temporis spacium ea gaudebant facultate, ut vaticinium unum vel alterum, sæpius quoque ignorantes, ederent, quos utique in Prophetarum censum referendos negamus. Sic Caiphas, licet Spiritus Sancti instinctu talia de morte Christi Joh. XI, 50. proferret, quæ materialiter saltem prophetiam in se continebant, quam ipse tamen ignoraret, Prophetæ sane titulum non meretur. Bene & sapienter in hanc sententiam pronunciat Augustinus, *ad Simplicianum l. II. Quæstion. ex libris Regum qu. I. T. IV. Opp. p. 642.* *Tantum distat inter prophetiam Prophetarum, sicut Esaias, sicut Jeremias, & ceteri hujusmodi fuerunt, atque istam transitoriam, que in Saul (vel in Cajapha potius) apparuit, quantum distat inter loquelam humanam, quam loquuntur homines, & cum eadem loquela humana propter necessarium prodigium asina locuta est, in qua sedebat Balaam Propheta: accepit enim hoc ad tempus illud jumentum.*

## XII.

Sed ardua adhuc quæstio restat, an prophetiæ donum in prærogativis illis ecclesiæ Judaicæ fuerit, adeo, ut extra illam verus Jehovah Propheta exortus nullus sit? quam ut affirmemus, haud una suppetit ratio. Succincte & graviter b. Hülsemannus in *Prolegom. Comment. in Jerem. cap. I. §. 7. p. 8.* sententiam fert: *Uti cetera Spiritus Sancti charismata pomæ-*



ria ecclesiae non egrediuntur, Job. XIV, 17. ita prophetia donum  
 caeli vocatorum proprium est, 1. Cor. XII, 10. Joël. II, 28. Apoc.  
 XIX, 10. Ea nimirum divino beneficio dignitas erat gentis  
 Judaicae, ut omnes terrae nationes, multis, iisque illustribus,  
 maxime vero spiritualibus antecelleret prerogativis. In iis  
 vero agnitio & patefactio divinae voluntatis, rectaeque Deum  
 colendi rationis familiam veluti ducit, Israeli soli propria, Ps.  
 LXXVI, 2. 3. CXLVII, 19. 20. Rom. III, 1. 2. quæ adeo latebat  
 gentiles, ut ἐλπίδα μὴ ἔχοντες, καὶ ἄθεοι ἐν τῷ κόσμῳ ob hanc re-  
 velationis divinae ignorantiam Apostolo audiant Eph. II, 12.  
 Hos enim omnes tunc temporis sinebat Deus ire in viis suis,  
 Act. XIV, 16. Revelationis autem hujus medium & mo-  
 dus cum haud unus erat, tum praecipue prophetia, qua &  
 cultus Deo placens praescribatur, & salutaris Messiae cog-  
 nitio, in verbo scripto jam suppeditata, declarabatur uberius,  
 & corruptelæ, quæ vel doctrinae publice sonanti, vel cultui et-  
 iam vitium intulerant, corrigebantur; sic ut hac nota velut  
 characteristica verus a falso discerneretur Propheta, si volun-  
 tatem Numinis, veramque ejus agnitionem, juxta praescri-  
 ptum verbi divini, exponeret, Deut. XIII, 1. 2. 3. XVIII, 20.  
 quos si Deus gentibus quoque indulsisset, hoc sane ἀνχηματι  
 Judaica gloriari ecclesia sola non potuisset. Hinc incensum  
 beneficiorum, quibus Israelem praereliquis terrae nationibus  
 mactaverat Deus, istud vel maxime venit, quod ex filiis ipso-  
 rum Prophetas excitasset, & Nasiræos ex juvenibus ipsorum,  
 Amos. II, 11. Sed & Deus ipse infallibilem vaticinandi facul-  
 tatem, de rebus longe diffitis atque futuris, ecclesiae Judaicae  
 adeo censet propriam, ut hoc κριτήριον a cœtibus & cultu vario,  
 omnium terrae gentium, illam discriminet, ethnicosque pro-  
 vocet hariolos atque aruspices, ut paria cum Prophetis Israelis  
 oracula fundant, Jes. XLI, 21 sqq. Hinc non abs re gentilium  
 vates, supra §. 3. improprie Prophetas diximus, quibus id no-



minis in quadam latitudine, & velut mutuo accommodetur, vere autem & proprie non conveniat. Nulli equidem negamus, extra ecclesiam quoque, & ad gentiles missos nonnunquam fuisse veros Jehovahæ Prophetas, quo pacto Jonam Ninitas ad poenitentiam fuisse adhortatum, Eliam ad Syros missum, ut Hazaëlem regem ungeret, & Jesaiam, Jeremiam atque ceteros passim, contra infidelium nationes atque provincias vaticinia edidisse, quin & nonnunquam medios inter idololatrias officio fuisse functos legimus, eos cum primis, qui Babylonem in captivitatem abrepti, non civibus modo suis, sed & infidelibus loquebantur: neque tamen ea propter & ipsi gentiles, aut extra ecclesiae sinum oriundi & a Deo excitati fuerunt. Quod enim ad gentes loquerentur interdum, divinae benignitatis documentum præbet, quæ hac *Χειραγωγία* eos quoque, qui in tenebris & umbra mortis versabantur, ad illustrem ecclesiae Gosen deducere, tum & afflicto a gentilibus populo Dei efficacissimum parare solatium volebat, dum tantas interminaretur hostibus poenas: ipsos vero Prophetas ex ecclesiae gremio non eliminat, aut gentilibus adjungit. Non equidem me fugit, ex Rabbinorum sententia septem in Scriptura recenseri *נביאי האומות* *Prophetas gentium*, Jobum, Eliphaz, Bildad, Sophar, Elihu, Bileamum & Peor. Verum, quod de Bileamo jam diximus, primo ipsum veri Numinis servum, ejusque cultui addictum fuisse, id de Patre ejus Peor, quem prophetico munere vel dono illustrem nullum vetustatis documentum docet, quadam veri similitudine affirmandum videtur. De Jobo autem & quatuor ipsius amicis satis probabiliter constat, ab Abrahamo forte oriundos, avitæque adhuc tenaces fuisse religionis, de quibus ex instituto agere locus hic non permittit, egit vero erudite & copiose Frid. Spanhem. in *Histor. Jobi* cap. XIII. p. 392. & c. XIV. p. 438. Unde discrepantiæ ista corrumpunt momenta, quæ satis pueriliter excogitata, Judæorum



Magistri in *Vajkra Rabba*, seu Commentario Rabba bar Nach-  
moni in Levitic. tradunt, Deum Prophetis gentium non lo-  
qui, nisi sermone dimidiato, sed cum Prophetis Israelis ser-  
mone integro, lingua sancta, lingua angelorum ministerii,  
qui eum laudant: nec cum Prophetis gentium loqui, nisi  
tempore, quo homines rem a re discernunt, per somnium in  
visione nocturna; vel certe a longe, sicut dictum est: de terra  
longinqua veniunt ad me: sed cum Prophetis Israelis loqui  
statim &c. quæ ipsorum commenta repetit, & de septem istis  
gentium Prophetis fusiùs disserit Scip. Sgambatus *Lib. II. Ar-  
chiv. Vet. Test. Tit. XI. p. 250 sqq.* concisiùs Hottinger. *Theol. Phil.  
Lib. II. cap. 3. Sect. IV. p. 575.* Tandem & huc Sibyllæ spe-  
ctant, quarum tot vetustissimorum gentilium pariter, ac Chri-  
stianorum Doctorum testimoniis ac autoritate celebrata  
memoria fuit, si fidem mererentur, quæ varie de ipsis tradita  
ad nos pervenerunt, aut sub ipsarum nomine carmina vendi-  
cantur. Quanquam enim cum Socino in *Anti-Wieko*, re-  
sponsione ad 13. caput, universam historiam fidem in dubium vo-  
care, aut extitisse unquam vaticinas illas foeminas inficiari,  
non sustineamus: adeo tamen confusa sunt, quæ de iis pro-  
duntur, adeo dissona, nec sibi cohærentia, ut in tanta rerum  
caligine verum a falso haud facile discernere detur. Uberius  
qui de ipsis, ipsarumque libris, cognoscere cupit, e Patribus  
Lactantium adeat, *Lib. I. Instit. Divin. c. 6.* & quotquot in eum  
commentati sunt recentiores Doctores, e Reformatis Casau-  
bonum *Exercit. I. ad Apparatum Annal. Baron. num. XVIII. p. 53.*  
Blondellum *2. libris de Sibyllis* ex instituto agentem, & Span-  
hemium *Dub. Evang. XXXIV. §. 6. T. I. p. 371 sqq.* e Pontificiis  
Scip. Sgambatum *Lib. I. Archiv. Vet. Test. Tit. 19. p. 157.* e nostra-  
tibus b. Erasmi Schmid. in *Sibyllinis*, b. Calov. *Isagoges lib. I. c. 8.*  
*§. 3. p. 138 sqq.* b. Joh. Henr. Ursinum de *Zoroastre* p. 225 sq. &  
*Theol. Symbol. n. 24. p. 35 sq.* & *Analect. Sacr. Vol. II. lib. IV.*



cap. 8. p. 173. b. Hülsemann. *Prolegom. Comm. in Jerem. cap. I.* §. 6. p. 6. b. Danhauerum *T. I. Theol. Conscient. Proem. §. 3. p. 9. seq. & Christeid. Act. I. Phenom. I. p. 20 sqq.* b. Pfeifferum *Anti-Chiliasmic. 9. pag. 434 sqq.* b. Colbergium *in Christian. Platonico-Hermet. P. I. c. V. §. 1. p. 208.* Uti vero de eo satis convenit inter eruditos, carmina illa Sibyllina, quæ ad nostram transmissa sunt ætatem, ὑποβολιμαῖα non γνήσια esse, & ita comparata, ut longe, quam feruntur, recentioris originis indicia prodant: ita Prophetissas illas dicere, aut de vaticina illarum virtute certi quid affirmare vix licet, nedum ut lubricis ejusmodi inducti commentis, prophetiæ donum hominibus ethnicis quoque indultum censeamus. Jam vero ex iis, quæ allata sunt in medium, judicium facili negotio fieri poterit de Spinosa, quas hic nectit, tritis. Is enim *Tract. Theol. Polit. cap. 3. p. 30 sqq.* quæstionem illam, an donum propheticum Hebræis peculiare fuerit? de industria discutit, & in negativam concedens sententiam, ita instituit, ut Deum omnibus hominibus æque propitium semper fuisse, nec Hebræos alia in re præstitisse ceteris gentibus affirmet, quam sola imperii temporanea felicitate & commodis terrenis; vocatis in subsidium testimoniis Scripturæ Mal. I, 10. II. Ps. CXLV, 18. 9. XXXIII, 15. Jobi XXVIII, 28. Jonæ IV, 2. Inde ulterius progressus: concludimus ergo, inquit p. 36. (quandoquidem Deus omnibus æque propitius est, & Hebræi, non nisi ratione societatis & imperii a Deo electi fuerint,) unumquemque Judæum extra societatem & imperium solum consideratum, nullum Dei donum supra alios habere, nec ullum discrimen inter ipsum & gentilem esse. Cum itaque verum sit, quod Deus omnibus æque benignus, misericors &c. sit, & Prophetæ officium non tam fuerit, leges patriæ peculiare, quam veram virtutem docere, hominesque de ea monere; non dubium est, quin omnes nationes Prophetas habuerint, & quod donum propheticum Judæis peculiare non fuerit.

Sed



Sed ὑπερῶν hæc tegunt haud unum. Præterquam enim, quod ex Spinoſæ promanant πρῶτῳ ψεύδει, secundum quod universa natura Deus est, quæ cum omnibus gentibus sit communis, hinc esse, ut nulla præ ceteris natio jure quodam peculiari, aut prærogativa gaudere queat: aperte quoque Mosaicis atque Paulinis refragantur testimoniis, sub initium hujus S. ci-  
tatis, quæ in promulgata lege, cultus divini ratione, cœlesti revelatione, aliisque spiritualibus cum primis beneficiis, Israe-  
litas omnes terræ nationes anteivisse, diserte testantur. Reli-  
qua autem ejus argumenta, quod veri Jehovah Prophetæ non  
solis Judæis, sed gentibus quoque vaticinati sint; & quod Bi-  
leam Syrus, adeoque extra Israelis civitatem positus, verus  
Propheta fuerit, in præcedentibus jam occupavimus, iis profligandis ut jam necesse non sit immorari.

### XIII.

Ea vero, in quibus revelandis versatur prophetia, non  
futura modo sunt, sed quævis res abstrusæ & arcanæ, ac vel  
Prophetæ ipsi, vel sententiam ejus sciscitantibus incognitæ.  
Harum nonnullæ ita sunt comparatæ, ut ob sublimitatem  
suam naturali rationi prorsus sint impervestigabiles, & abs-  
que divini luminis interventu intelligi nequeant, qualia sunt  
pleraque fidei mysteria, in scriptis prophetis patefacta: alia  
ex eventus incertitudine certo prædici humanitus nequeunt,  
nisi a Deo, rerum futurarum omnium conscio, revelentur,  
ut futura contingentia, Prophetis cum ἀσφαλῆα prædicenda,  
a Numine supremo inspirata: alia demum sunt certo saltem  
modo incognitæ & abstrusæ, licet alias, adhibitis rite mediis,  
cognosci facile potuerint, velut cum Elisa ex prophetica sciret  
revelatione, quæ cum Naamane Syro pactus fuerat Gehasi,  
2. Reg. V, 26. & Petrus, quod inter Ananiam & Sapphiram con-  
venerat, Act. V, 1. aut quæ Moses de creatione mundi, de dilu-  
vio & Patriarcharum rebus gestis, quæ diu ante peracta, longo  
tem-



temporum tractu oblitterata ferme fuerant, literis consignabat. Hinc itaque manifestum evadit, quod præter futura, de quibus dubium non est, tam circa præterita versetur prophetia, ut Danielis revelatio somnii, cujus oblivio Nebucadnezarem ceperat, Dan. II. & Salvatoris nostri accurata delineatio, quam de Samaritanæ matrimonio dabat, Joh. IV, 17. sqq. quam circa præsentia, velut Elisa Regis Syriæ consilia, in interiori agitata conclavi, in numerato habebat, 2. Reg. VI, 8 sqq. unde de rebus absconditis, v. g. de amissis asina bus, consulebant Prophetas, 1. Sam. IX. Siquidem & hic locum habet illud Maronis *Lib. IV. Georgic. v. 391. sq.*

*novit namque omnia vates,*

*Quæ sint, quæ fuerint, quæ mox ventura trabantur.*

Sive de cetero res istæ sacræ essent, ut beneficia N. T. & mysteria de Christo exhibendo, patiente &c. aut bona futura vitæ, Jes. VII, 14. Jer. VII, 11. Zach. IX, 9. Jes. LIII. sive prophana, de mutationibus imperiorum, ut est apud Danielem, vel de Cyro ejusque gestis, Jes. XVII, 1 sq. XLIV, 25. de septuaginta captivitatis Babylonicæ annis, Jer. XXV, 11 sq. Cum primis autem de Christo oracula fundebant Prophetæ, Petro Apostolo teste Act. X, 43. imo Christo ipso asserente Luc. XXIV, 25. 44. Confer Act. III, 24. 1. Petr. I, 10. 11. ut adeo Augustinus operæ pretium existimaverit, *Libro XVIII. de Civit. Dei cap. XXVIII-XXXVI.* prolixè demonstrare, quæ quilibet Prophetarum sigillatim de Christo testimonia perhibuerit. Post hunc idem quidem institutum, sed ampliori omnino eruditionis ac vindiciarum apparatu, executus est Huetius in eruditissima *Demonstratione Evangel. Propos. VII. & IX. p. 555. 669 sqq.* qua ad oculum demonstrat, hunc unum omnes Prophetas præfixum habuisse scopum, ut Jesum Nazarenum ejusque mysteria delinearent. Consentiunt Judæi, quorum apho-



phorismus in *Mass. Sanbedrin fol. 99.* 1. ex R. Jochanan effato, ta habet: כל הנביאים כלם לא נתנבאו אלא לימות המשיח:

*Omnes in universum Prophetae non vaticinati sunt, nisi de diebus Messiae:* quem paulo aliter, sensu tamen eodem sic effert R. Salomo *Comment. ad Zach. IX, 1.* אמר מר כל הנביאים

כלם לא נתנבאו אלא על שנת הנאולה וימות המשיח *Dixit Mar: omnes*

*Prophetae universi non prophetarunt nisi super annis redemptionis, & diebus Messiae: sic est istud traditum & scriptum in libro Si-*

*bre.* Merito ergo Augustino vapulant Manichæi, qui, Fausto interprete, vel ideo rejiciebant Prophetarum scripta, quod

nullam Salvatoris injiciant mentionem: *Faustus dixit: Cur non accipitis Prophetas? Imo, tu dic potius, si quid habes, cur*

*rebeamus Prophetas accipere. Propter testimonia, inquit, quae de Christo prefati sunt. Ego quidem nulla inveni, quamvis*

*attentius eos, & curiosissime legerim, lib. XVI. contra Faustum Manich. cap. 1. T. VI. Opp. p. 254. quod putidum ipforum argu-*

*mentum ἀνολψία retundit. Paria fere delirabat Theodorus Mopsuestenus, qui licet Prophetarum monumenta non equi-*

*em aperte repudiaret, negabat tamen, unquam ipsos de Christo prophetasse, ut ex fragmentis commentariorum ejus, quæ*

*in quinta Synodo collat. 4. recitantur, intelligi potest. Conf. Bellarmin. lib. I. de Verbo Dei cap. 5. Verum hac ratione fi-*

*em Christi verbis detraxerit, qui, perlecto loco Es. LXI, 1 sq. statim subjunxit: hodie impleta est hac Scriptura audientibus*

*obis &c. Luc. IV, 21. Sublestam vero Hug. Grotii sententiam, quod propheticae de Christo prædictiones universæ, prima-*

*rum suum ac proximum sensum, ad ejus, quo proferebantur, temporis historiam referant, secundarium vero, mysti-*

*um & allegoricum demum ad Christum; hinc etiam vaticinia illa non in vim argumenti proprie adhibeantur, sed ad*



illustrandam atque confirmandam rem jam creditam: ex merito profligavit Huekii *cit. loc. Propos. VII. §. 4. 5. p. 559. sqq.* & accuratius adhuc e nostris b. Calovius *observat. ad prafat. Grotian. §. 14 sqq. T. I. Bibl. Illustr. p. 204 sqq.* & in ipso opere passim, ubi præcipua de Christo vaticinia a pessimis Grotii detorsionibus vindicat, & quo immediate proprieque sensu explicanda veniant, solide demonstrat.

## XIV.

Jam ut ad genuinam prophetiæ indolem, quam formalem ejus rationem dixerint Philosophi, & ad id devolvamur, in quo proprie sita illa sit, ad duo cumprimis attendendum est: rerum nempe revelatarum perceptionem, earumque cum aliis factam communicationem. Prior illa ex inspiratione pendet, quam haud uno modo factam supra jam memoravimus. Nunc addo, perceptionem istam non per modum habitus se habuisse, qui disciplina & assuefactione paratur, nec per scientiæ modum, qua quovis loco ac tempore homo pro lubitu uti potest; sed per motum transeuntem Prophetis contigisse, ut magnus probe observavit Hülsemannus *cit. loc. cap. 2. §. 4. p. 12.* Lutherum haud dubie secutus, qui *Commentar. in Genes. c. XLIV. f. 602. a.* aliud quidem agens, eandem sententiam inculcat: *Usitato proverbio apud Theologos dici solet: Spiritus Sanctus non semper tangit corda Prophetarum. Illuminationes prophetica non sunt continuæ & perpetuæ. Sicut Isaias non habuit continuas & assiduas revelationes de rebus maximis, sed per vices temporum. Idem testatur exemplum Elisai, cum ait de Sunamitide: Dimitte illam, anima enim ejus in amaritudine est, & Dominus celavit a me, & non indicavit mihi. Ibi fatetur, Deum non semper tangere corda Prophetarum. Interdum etiam venit Spiritus, cum aut cythara, aut Psalterio luderent, & Psalmos quosdam, & cantica spiritualia decantarent.* Manifestum satis hoc est ex allatis exemplis:



& par ratione LXX. illi Seniores, a Mose in consilii & regiminis societatem acciti, quoties requiesceret super eos Spiritus Domini, prophetabant, de cetero tacebant, Num. XI, 25. Paria Sauli evenisse, ex 1. Sam. X, 10. XIX, 23sq. constat. Hinc non in numerato semper habebant prophetias sacri vates, nec quodocunque aut qua mensura ipsi cuperent, Spiritum Propheticum recipiebant, sed nova semper revelatione, eaque nonnunquam precibus efflagitanda, opus erat; & hærebant aliquando, cum divina ipsis inspiratio non adesset. Ex quo satis apparet, non per habitum perpetuum, stabilemque quandam scientiam, sed motu divino & extraordinario excitatos, vaticinia edidisse. Omnium autem optime Petrus Apostolus divinum hunc delineat motum, quando sanctos Dei homines ὁ Δελημαῖ ἀνθρώπων, non propria autoritate, aut ex suopte ingenio vaticinatos esse, ἀλλ' ὑπὸ πνεύματος ἁγίου φερομένους, sed a Spiritu Sancto impulsos & agitados, oracula fuisse perhibet 2. Ep. I, 21. Ista vero πνευμαλοφορὰ varia complectitur, & *primo* quidem, discussis tenebris naturalibus, mentem eorum collustrabat, ut velut aër per radios solares, aut obscurum conclave accensa lampade, sic ipsa cœlesti jubare illuminata, arcana ista vel sublimia, divinitus sibi oblata & impressa, percipere & assequi valeret; *hinc* de divina revelationis sibi factæ origine & autoritate certos faciebat, ne influxum illum pro Satanæ ludibrio vel fallacia phantasie haberent, sed Numine se plenos intelligerent; *porro* vel invitos rapiebat in assensum, ut benedicere Israelitis renuens Bileam, non tamen posset, nisi bene ominata verba proferre, iisque adstipulari, Num. XXIII, 8. 20. XXIV, 13sq. *denum* sancto quodam, & tam valido agebat Prophetas impulsu, ut ei resistendo impares se deprehenderent, teste Jeremia c. XX, 7. 8. XXIII, 9. & Micha c. III, 8. Atque ex his facile iudicium fieri poterit de veteri illo Montanistarum errore, qui ita pro-



phetasse viros sanctos ferebant, ut more abreptitiorum ipsi non intelligerent, quæ loquerentur. Quo cum fere convenit recutitorum scitum in *Elle Haddebarim Rabba*: נְבִיאִים הֵיוּ מִתְנַבְּאִים וְלֹא יוֹדְעִים מֶה מִתְנַבְּאִים: *Omnibus Prophetis reliquis vaticinantibus obscura erant, quæ vaticinabantur, exceptis Jesaia & Jeremia.* Sane istud nec præsentia, nec illuminationi divinæ satis respondet, ut amentes reddat, quos cœlesti sapientia replevit, quin cum Paulo potius ἀληθείας καὶ σωφροσύνης ῥήματα proferant, Act. XXVI, 25. Hinc Epiphanius *heresi XLVIII. cap. 3. T. I. Opp. p. 404 sq.* solide & de industria contra Montanistas evincit, quod ὁ προφήτης μετὰ κατὰσάσεως λογισμῶν, καὶ παρακολυθήσεως ἐλάλει, καὶ ἐφθέγγετο ἐκ πνεύματος ἁγίου, τὰ πάντα ἐρρωμένως λέγων, *verus Propheta cum sui compos, tum ea, quæ dicebat, intelligens, futura nunciaret, proque eo, ac Spiritus S. impulerat, præcipuo quodam animi robore vaticinari soleret; idque* Mosis, Jesaia, Ezechielis, & Danielis exemplis demonstrat, insanam autem Montani prophetiam aliquam ex merito false ridet. Alia vero quæstio est, de genuina visorum significatione, an semper gavisi fuerint ea Prophetæ, Deusque explicationem visionibus, sive externam, quod sæpe contigisse memoratur, sive per internam illuminationem junxerit, ut & nossent, quæ videbant & loquebantur, & significationem omnium callerent, quid portenderent & futurum præsignificarent? Quam quidem controversiam, in utramque partem a Patribus ventilatam, ex nostris b. D. Joh. Schmidius *Prolegom. Comm. in Proph. minor. p. 40 sqq.* & e Pontificiis Corn. a Lap. *Proœmio in Prophetas p. 8 sq.* copiose perorant. Eam vero nec affirmare de omnibus, nec negare de singulis licet, cum & hic pro sapientiæ suæ beneplacito libere egerit Deus, & ampliorem aliis, aliis angustio rem gratiæ & luminis cœlestis indulserit mensuram. Nonnunquam enim visionum

sensum



sensum statim perspiciebant, omnesque futurorum eventuum circumstantias adeo perspicue ob oculos ponebant auditoribus, quasi jam coram agerentur. Quo Jesaiæ de Christi ex virgine nativitate c. VII. passione & morte c. LIII. victoria de hostibus spiritualibus c. LXIII. ejusque & Jeremiæ, de urbis excidio & captivitate Babylonica, aliaque id genus, clarissima oracula spectant. Hinc Daniel intelligentiam sibi esse per visionem, c. X, 1. testatur. Rursus vero visiones quidem oblatas sibi noverant interdum, significationis tamen earum tamdiu ignari, donec explicatio uberior accederet, ut Danieli contigit c. VII, 15. 16. & Zachariæ c. IV, 11 sqq. Quin & ubi lata esset visorum explicatio, qua substantiam eorum, tamen qua circumstantias adhuc hæsitabant nonnunquam Prophetæ, velut Daniel a Gabriele quidem satis edoctus, stupuit tamen super visione, nec satis sibi declaratam conqueritur, *וְאֵין מִבֵּין* *nec erat intelligere faciens*, cap. VIII, 27. Tandem alicubi visionum suarum nec sensum assequebantur, nec explicationem, precibus licet flagitatam, impetrabant, ex eventu deum olim petendam, velut ex Dan. XII, 8 sqq. apparet. Ut deo divinæ *ὁκνοῦντας* libertate, sapientique ejus dispositione id omne staret, num & in quantum visorum cum ipsis communicare vellet, nec ne, significationem. Demum vero, quando & illud ad *θεοφωρίτων* retulimus Prophetarum inspirationem, quod certos illa redderet de impulsus illius, & illi ipsius, quem patiebantur, divinitate; notamus insuper, inducia omnino Prophetis fuisse *τεκμηρία* & signa, quibus certo persuasi non modo, sed & convicti reddebantur, non alius, nisi divinæ & originis & autoritatis, esse revelationem suam, deo ut adversus omnes vel renitentium auditorum, vel Pseu-  
 ophetarum contradictiones, validissime eam asserere atque tueri nulli dubitarent. Idem namque Spiritus, qui irrefragabile *ὑποθέσεις* testimonium perhibet Spiritui nostro,



Rom. VIII, 16. eam quoque Prophetarum animo, divinitus collustrato, *παρηγορία* insinuabat, ut, absque ullo erroris aut falsæ persuasionis metu, certissime statuerent atque sentirent, *Spiritum Jehovæ in se loqui, & sermonem ejus super lingua sua esse, sibi loqui Deum Israelis, sibi loqui petram Israelis &c.* 2. Sam. XXIII, 2. 3. Unde Jacobus de somnii sui divinitate adeo certus erat, ut vel jurato eam asserere sustineret: *profecto Jehova est hic loci, ego vero nesciebam*, Gen. XXVIII, 16. Jeremias omnino, ob oraculum de excindendis Hierosolymis a Pashurē Sacerdote percussus, & in vincula conjectus, de revelationis tamen ac missionis suæ divinitate non ambigebat, sed intrepido vultu animoque veritatem vaticinii adversus Pashurem assererebat c. XX, 3 sqq. Nec de prævisa Israelitarum clade, tanquam divinitus sibi ostensa, quicquam dubitabat Micha, quicquid etiam obgannirent Pseudoprophetæ, 1. Reg. XXII, 12 sqq. *Οἱ δὲ ἅγιοι ἄνδρες μετὰ τῶν ἐμπαυγµῶν καὶ ἀποκαλύψεων αὐτῶν τὰς τῶν ὁράσεων εἰκόνας ἐνδοτάτω τινὶ διακρίσει δικάζουσιν, ὥστε αὐτοὺς ἐπιγινῶναι, τί παρὰ τῷ ἁγιάῳ πνεύματι λαμβάνουσιν, τί δὲ παρὰ τῷ ἐμπαύζοντι ὑπομένουσιν.* Sancti namque viri inter illusiones atque revelationes, ipsas visionum voces aut imagines quodam intimo sapore discernunt, ut sciant, vel quid a bono Spiritu percipiant, vel quid ab illusore patiantur, ait S. Gregorius Dialogor. lib. IV. cap. XLVIII. T. II. Opp. p. 307. Accedebat sapius divinæ Majestatis symbolum aliquod externum, inusitato fulgore oculos vel mentis etiam aciem perstringens, aut fragore quodam insueto aures percutiens, & animum simul in admirationem rapiens, singularemque divinæ præsentiae manifestationem haud dubiis indiciis demonstrans; velut Mosem ex rubo ardente vocans Dominus Exod. III, 2 sqq. & Eliam, post varias procellæ, ignis, auræque suavis vicissitudines, compellans 1. Reg. XIX, 14. satis evidentibus patefactionis suæ testimoniis, divinam visionum istarum originem edocebat. Ut



accam, eventum revelationi ex asse respondentem, proximeque illam interdum insequentem, animum Prophetarum ita confirmasse, ut fallaciæ metum ac dubitationem omnem procul haberent. Sic Sauli domum tendenti signa a Samuele prædicta, statim in via eveniebant, fidemque prophetiæ conciliabant, 1. Sam. X, 7. 10 sqq. nec Ananiam, Pauli conversionem in visione perspicientem Act. IX, 17. aut Petrum, Corneliū Cæsareensem cum familia *μαθητεύειν* jussum c. X. & XI. de divinitate revelationis dubitare sinebat eventus. Sed de inspirationis perceptione ista quidem sufficiant; nunc ad ejusdem cum aliis factam communicationem pergendum.

## XV.

Ea vero ad divinum equidem nutum & impulsu, modo tamen vario instituebatur. Mox enim simplici & aperte utebantur oratione, sive coram populo visa edocerent; sive literis consignata conspectui omnium ponerent, cujus exempla Jes. XXX, 8. Jer. XXXVI, 2. Dan. XII, 4. Hab. II, 2. Arabes; sive per epistolam absentes de voluntate Dei instruerent & monerent, ut Jer. XXIX. & 2. Chron. XXI, 12. Mox sub symbolorum involueris, quid scitu, facto, creditu opus esset, his ob oculos ponebant, idque rursus vel per parabolicam verborum structuram, velut Jesaias c. V. sub symbolo vineæ prius diligenter cultæ, postmodum vero, ubi spem falleret coloni, neglectæ, ingratitudinem, sterilitatem & abjectionem populi adumbrabat; & Ezechiel sub figura lignorum visis, combustionem destinatum, desolationem urbis designabat, cui quippe perquam frequens erat hæc docendi ratio c. XX, 49. XVII. XXIII. XXIV. XXXIII. vel per actiones mysticas & adumbrativas, quo Jeremiæ jugum, imminentis servitutis indicium c. XXVII, 2 sqq. ejusdemque rursus emtio iuri, & literarum contractus asservatio, reditus e Babylone effera c. XXXII, 9 sqq. Jesaiæ quoque nudipeda incessio c. XX, 2.



XX, 2. Ezechielis cubatio in uno latere per certos statosque dies Ezech. IV, 46. & aliæ id genus Prophetarum actiones pertinent: vel per *ὄνομα θεοῦ* figuratam, qualis in Jesaia filiis, quorum alteri Schear Jesub, alteri Mahar-Schalal-Chas-bas nomen dabatur c. VII. & VIII. & in Oseæ liberis, cujus filia Lo-Rüchamo, filius autem Lo-Ammi c. I. dicebatur, observanda venit. Symbolari autem istiusmodi prophetiæ sæpius adjiciebatur explicatio, exemplo vineæ, Jes. V. ollæ ferventis & virgæ vigilantis, Jer. I, 13 sqq. Sæpe quoque deerat, cum nuda proponeretur visio, velut plurimæ Ezechielis visiones symbolicæ, nec non Apocalypticæ Johannis, adjecta declaratione destituuntur. Omnem enim lapidem movebant Prophetæ, ut quacunque ratione oscitantem & duræ cervicis populum ad attentionem excitarent, tædiumque abstergerent facile oriturum, si eandem omnes methodum viamque insisterent, aut chorda oberrarent eadem. Ceterum de publica vaticiniorum promulgatione notandum insuper est, quod constans fert & pervulgata inter eruditos opinio, concionibus primo ad populum habitis, revelata sibi edisseruisse Prophetas, forte etiam uberiùs declarata, ad rem præsentem, statumque populi, applicuisse: horum postmodum summam, in brevem coactam epitomen, valvis templi affixisse, ne prætexendæ ignorantia superesset locus. Quæ cum per aliquot dies satis patuisset, ablata rursus a ministris templi, & in thesaurum ecclesiæ, vel arcam testamentariam reposita fuerit, ut perpetuum ejus rei monumentum extaret, unde demum Canonici nostri Prophetarum libri enati & confecti sint. Primum sententiæ hujus autorem se jactat Calvinus *sub fin. præfationis in Jesaiam* T. IV. Opp. p. 4. a qua non multum abit Coccejus *Comm. in Habac. II. 2. T. III. Opp. p. 580.* nisi quod domi suæ tabulas istas asservasse, omnibusque legendas proposuisse censeat Prophetas. In eandem Calvinii sententiam

pedibus



pedibus eunt e Pontificiis Corn. a Lapide *proœm. in Propb. Maj. fol. 21. D.* e Reformatis Heideggerus *Exercit. Biblic. XI. §. 39. p. 380.* nec non in *Enchir. Lib. I. cap. 19. §. 6. p. 136.* nec omnino eam improbat e nostratibus b. Hülsemannus *proleg. Comm. in Jerem. cap. III. §. 2. p. 13.* Et satis quidem præsidii habet in Jesaia pariter, qui tabulam sumere, & super eam stylo hominis scribere jubetur c. VIII, 1. ac in Habacuco, cui c. II, 2. visionem literis mandare, & explanare super tabulis, a Domino injungitur, ut percurrat legens in ea. Sed quod de templi valvis additur, d. paucis perquam datum fuisset, cum Prophetarum plurimi in regno Israelis, cui templum non erat, nec Hierosolymitanum colebatur amplius; nonnulli etiam in captivitate Babyronica, ut Ezechiel, Daniel, Zacharias; pauci tandem post captivitatem, cum restauraretur demum ex ruinis templum, ut Jaggæus & Malachias, vixerint. Si itaque instar programmatum ac intimationum publicarum affigebantur vaticinia, quod vero perquam simile, & si non semper, sæpius tamen actum videtur; de valvis auditorii cujuscunque publici, sive synagogæ, sive ædium Prophetæ, ad quas conventum nonnumquam publice fuisse, supra §. 8. observavimus, suspensa & promulgata tutius dicemus. Vide, quæ in hanc sententiam affert b. Avus noster *Disput. Isagogicar. in Chemnit. prolegom. cap. I §. 8. p. 5.*

XVI.

Quod itaque ad officium attinet Prophetarum, α) extraordinarii erant ecclesiæ Doctores, in sincera Numinis & voluntatis ejus agnitione, auditores suos instruentes. Ordinarie quidem hæ Sacerdotum partes erant, ut Jacobum statuta Dei, & Israelem legem docerent, Deut. XXXIII, 10. hinc ab ipso ore lex requirebatur, Mal. II, 7. verum ubi illi officio minus satisfacerent, vel humanis ingenii sui commentis sinceritatem doctrinæ corrumperent, vel tanta apud populum rebellem autoritate non pollerent, ut in officio satis possent:



continere, Prophetas excitabat Dominus, qui ampliori auctoritate, tum & eloquiorum instructi infallibilitate, vel oneri succumbentes juvarent Sacerdotes, vel torpentes ad faciendum officium excitarent, vel a semita Domini & forma sanorum verborum deflectentes in ordinem redigerent, & increparent. Tam ergo credenda inculcabant, quam facienda, virtutis viam monstrabant, & ad observantiam divinae legis hortabantur. Hinc porro β) monitores erant & reformatores, ubi vel disciplina ecclesiae laxior grassantibus vitiis locum dedisset, vel cultus publicus ex idololatria, aut κακοζηλία conterminarum gentium vitium traxisset, in omnium ordinum vitia acerbis falsisque invehentes increpationibus, severa Dei vindicis judicia denunciantes, & ad poenitentiam hinc suasionibus, hinc comminationibus, invitantes; quod Ezechielis vocatio atque instructio divina, Ez. III, 17 sqq. generalis illa muneris prophetici descriptio, 2. Reg. XVII, 13 sqq. & exemplorum Jud. II, 1 sqq. & alibi passim, copia docet. Hinc commode Hebraeus ille in *Libro Cosri P. I. §. 11. edit. Buxtorff. p. 15.* Prophetas descripturus, eos dicit: כמו היועצים מזהירים על תורת יי מעירים בגמול הטוב לשומרה ועונש הקשה לממרה: *velut consiliarios, ad observantiam legis adhortantes, & premia quidem observantibus promittentes, poenas vero graves inobedientibus denunciantes*: quocum R. Salomo Jarchi conspirat, in *Exod. VII, 1.* ita commentatus: כל לשון נביא אדם המכריז ומשמיע לעם דברי תוכחות *Propheta vocabulum ubique significat hominem praconiantem, & populo verba objurgatoria proponentem.* E Christianis Patribus paria tradit Lactantius *Lib. I. divin. Instit. cap. IV. Opp. p. 11.* inquiens: Idcirco a Deo mittebantur Prophetae, ut & pracones essent majestatis ejus, & correctores pravitatis humanae. Sed & γ) in denunciandis futuris partim os Dei erant ad populum, qui sive consulti & sententiam rogati, sive ultro a Domino missi, de venturis aut rebus dubis respon-



responsa dabant, atque tum in præsentissimo reipublicæ dis-  
 crimine. Jes. VII, 1 sqq. XXXVII, 21. tum in ancipiti consilio-  
 um eventu. 1. Reg. XXII, 5 sqq. tum in levioribus quoque, nec  
 magni momenti negotiis, (ne scilicet gentilium auguria & di-  
 vinationes captarent homines, quam Origenes *lib. II. contra*  
*celsum* rationem reddit) velut 1. Sam. IX, 6. quid facto opus,  
 ut quid eventurum sit, prænunciabant. *Hanc autem fuisse*  
*consuetudinem populi Israel, ut, quicquid scire cupiebant a Do-*  
*mino, quaerere per Prophetas, multa exempla testantur,* inquit  
 Hieronymus *Comment. in Ezech. XX, 1. T. V. Opp. f. 208.* & variis  
 lein exemplis demonstrat. Confer huc Jes. XXX, 2. Habac.  
 I, 1. Zach. VII, 3. Partim os populi erant ad Deum, nomine  
 populi Deum de futuris, vel agendis aut omittendis sciscitan-  
 tes, velut Jerobeam per Ahiam Siluntinum, 1. Reg. XIV, 2. 3.  
 Josaphat per Elisam, c. XXII, 5. 8. Hiskias per Jesaiam, 2. Reg.  
 XIX, 2. 3. seniores populi per Ezechielem, Ezech. XIV, 1. XX,  
 1 sqq. Dominum interrogabant. Tandem quoque δ) inter-  
 cessores pro populo, vel pro privatis, Dei vel gratiam vel opem  
 ambientibus, erant, qui, fuis ad Deum precibus, grassantia Dei  
 iudicia sisterent, vel imminetia arcerent, ut ex Gen. XX, 7.  
 1. Reg. XIX, 2 sqq. Jer. XXVII, 18. Joël. II, 17. ad oculum patet.  
 Nonnunquam etiam ε) partem reipublicæ attingebant, &  
 vel Regibus a consiliis erant, quales Jesaias, Jeremias, Daniel,  
 vel extraordinarii tam ecclesiastici, quam politici regiminis  
 indices, velut cum Samuel Agagum trucidaret, 1. Sam. XV, 33.  
 & Elias in Baalitas, 1. Reg. XVIII, 40. & Elisa in religionis trans-  
 iugas animadverteret c. XIX, 17. Demum ζ) horum aliqui  
 non annalium modo, sed & librorum sacrorum, & canonis  
 Vet. Testamenti conditores, divino suggerente Spiritu, erant,  
 quorum calamo & manu historia sacra, & divina illa creden-  
 torum atque faciendorum norma exarata, & ad posteritatem  
 Dei beneficio transmissa est, 1. Chron. XXIX, 29. 2. Chron. IX, 29.



XII, 15. Luc. XXIV, 27. XVI, 29. Idem vero an in proprio ac genuino officio suo ספרי Scribe fuerint, disceptatur hodie inter eruditos. Et dudum quidem Nic. Serarius, ut nil definiat, observavit tamen, quia prophetia divinorum quandoque oraculorum interpretationem significat 1. Cor. XIV. hinc fieri, ut Chaldaus Thargum pro Prophetis vertat interdum Scribas, ut 4. Regum XXIII. 2. Paralip. XXXV, 8. Jer. XXVI, 11. & c. XXIX, 2. in *Tribares* L. II. cap. 7. § 3. p. 107. Postmodum vero in alium longe sensum illam Chaldaei Paraphrastæ vocum permutationem rapuit Richard. Simon, qui Scribarum & Prophetarum voces pro Synonymis in Targum ideo haberi contendit, quia Prophetæ proprie Scribæ & Actuarii publici fuerint. Hoc enim ἐρμήνευσι omnem Scripturæ θεοπνευστίας, velut periculum subvertere, in specioso illo *Historia Critica V. T.* opere satagens, *Lib. I. cap. 2. p. 16 sq.* ita aggreditur, ut Prophetarum munus fuisse doceat, præcipuas imperii res scribere, & archivis consignare. Non enim, Josepho *Lib. II. contra Apionem*, & Eusebio in *Preparat. Evangel.* testibus, cuivis inter Judæos fas fuisse annales condere, sed solis Prophetis; unde ספרי proprie notent oratores ejusmodi & Actuarios publicos, qui instar interpretum Dei, ejus voluntatem populo quidem annuntiabant, simul vero præcipua sui temporis gesta, & acta publica ad posterorum memoriam describebant, & archivis consignabant; unde post libri sacri dicti prophetici fuerint. Ex quibus præmissis postmodum talia elicit confectaria, quibus omnem Scripturæ V. T. autoritatem ac fidem in discrimen adducit. Demus vero licet, Prophetarum aliquos annales composuisse, omnes tamen idem fecisse, unde probaverit? & in eo potissimam prophetici muneris rationem fuisse sitam? nec aliud quid notare ספרי quam Actuarium ejusmodi, publica ad id autoritate constitutum, ut acta publica conderet, & archivis consignaret? Cumque peculia-



rem hunc Notariorum istorum, seu Scribarum publicorum (nec enim alios, aut diversos ab his Prophetas novit,) ordinem in republ. Hebræa statuat, a Mose ipso primitus institutum, quibus eum antiquitatis monumentis demonstrabit? In rebus enim facti, tot cum primis seculorum intervallis a nobis distitis, non quidlibet audendi æqua cuilibet est potestas, sed tabulæ sunt producendæ, ac idonea documenta, quorum testificatione fides dictis concilietur. Et ספרים quidem, sive Scribarum ecclesiasticorum ante Davidem expressa mentio in Scripturis nulla est, nedum ut a Mosis jam ætate in populo Dei, tanta cum autoritate floruerint. Cumque Moses universam reipubl. Judaicæ constitutionem, ac faciem veluti, in Pentateucho quam accuratissime delineet, qui sit, malum! ut illustrem hunc ordinem silentio plane transmittat, a se tamen, quod vult Simonius, institutum, nec vestigio ullo quicquam de eo prodat? Cum tamen נביא mentionem plus vice impliciti injiciat, nusquam tamen in eo significatu, qui Actuarios reipublicæ insinuet. Et unde tandem Simonio mysterium istud, tot ante ipsum seculis incognitum, innotuit? Josephi enim vel Eusebii autoritate in rebus, tanto temporum intervallo ab ipsorum ætate remotis, stare nec poterat, nec debebat. Et plus omnino infert Simonius, quam vel Josephus aliquis, vel Eusebius testati unquam fuerunt. Sed ne justo sumus proximiores, vela contrahimus, cupidumque talium lectorem ad leideggeri remittimus *Exercit. VIII. Bibl. p. 215 sqq.* quæ de inustriâ profligando huic Simonis commento infudat.

XVII.

Properamus ad metam, atque paucis adhuc characteres istos, ve criteria ostendemus, ex quibus veri Prophetæ a falsis, oracula genuina a spuriiis, discriminabantur. Pseudopropheta-um enim, qui rudis popelli simplicitati proterve illudebant, un tantæ esset copia, ut ipsi de eo conquererentur Judæi, Jer.



XXIII, 15. 16. e re cum primis erat, certa nosse argumenta & indicia, ex quibus divina verorum Prophetarum missio, & immota oraculorum, quæ edebant, veritas indubie constaret. In his vero 1) erat exacta prophetiæ cum canone doctrinæ Patriarchalis atque Mosaicæ consensio, Jes. VIII, 19. 20. Ab hac qui in transversum discederet norma, aut alterius, præter Jehovam, Dei cultum commendaret, Pseudopropheta inde habendus erat, Deut. XIII, 1. 2. maxime cum eo fine mitterentur Prophetæ, ut corruptelas doctrinæ vel morum emendarent, magnaue muneris prophetici pars in depravati cultus restoratione versaretur: 2) implementum prophetiæ, si de eventibus esset brevi exituris, Deut. XVIII, 21 sq. Jer. XXVIII, 9. Hinc Samuel verus Propheta, & fidelis Dei servus agnoscebatur, quod eventus semper prædictionibus responderet, 1. Sam. III, 19. 20. Ubi tamen exceptio pœnitentiæ in prædictione pœnarum, & defectionis, vel etiam crucis, in prædictione beneficiorum, nec non conditionum omnium, quibus circumscripta & limitata erat prophetia, locum omnino habet, juxta Jerem. XVIII, 8. 9. 10. ut ea propter Jonas, Ninevitis ruinam minatus, Pseudoprophetæ tamen notam non mereatur, licet alia omnia evenirent: 3) consensus & testimonium aliorum Prophetarum, notæ probatæque autoritatis. Omnes enim uno agebantur Spiritu veritatis, nec adeo alter alterius e medio tollere vaticinia, vel improbare poterat, uterque si Numine esset plenus, Jes. VIII, 2. Jer. XXVI, 16-20. 4) vitæ quoque integritas, & gravitas morum huc refertur, ea tamen cautela adhibita, quam supra §. XI. insinuavimus, ut licet impii cujusdam uteretur Deus ministerio, ministri tamen personam atque vitia abominaretur, Jerem. XXIII, 14. 5) mirum oraculorum pondus, ἐνέργεια & ἐν τοῖς λόγοις δεινότης, qua, si minus obluctantes in assensum pertraherent, percellerent tamen & in stuporem agerent nonnunquam, juxta illud Jerem. XXIII, 28. 29. Certe



loquente Deo, *fiat omnis caro*, Zach. II, 13. interdum etiam 6) miraculis confirmabat eorum missionem Deus, maxime cum vel in dubium ea vocaretur, vel nondum satis perspecta populo cognita esset, ut Moſis Exod. IV, 1 ſqq. Prophetæ illius, qui ira adverſus Jerobeamum prolocutus, miraculoſa altaris effuſione & effuſione cineris, fidem dictis faciebat, 1. Reg. XIII, ſq. & Eliæ 1. Reg. XVIII, 37. exemplis conſtat. Ea vero neceſſaria non ſemper fuiſſe, vel ipſimet Judæi agnoſcunt, teſte Maimonide *Fundam. Leg. c. X. Sect. I.* Vide Hottinger. *Theſ. philol. L. II. cap. 3. Sect. 4. p. 564.* ſed & 7) modeſta illorum, verum conſtans ſibi *παρρησία*, qua tum miſſionis ſuæ divinitatem aſſeſebant, tum intrepide & ſæpe cum vitæ discrimine, Reges atque potentes peccati arguebant, ad autoritatem ipliſ apud auditores conciliandam, haud parum conferebat. Hac velut cra anchora, in ſummo vitæ periculo, nitebatur Jeremias, qui *cunctos dixit Principes, & ad totum populum dicendo: Jehova miſit me, ut prophetarem contra domum iſtam, & contra civitatem iſtam omnia verba, quæ audiftis, verum tamen ſciendo ſciatis, quod occideritis me, ſanguinem innocentem tradetis ſuper vos, & ſuper civitatem iſtam, ſuper habitatores ejus, כי באמר כי* quia vera miſit me Jehova ad vos, ut loquerer in auribus veſtris omnia verba iſta, Jer. XXVI, 13. 15. Confer, qua *παρρησία* adverſus Achabum utatur Elias, 1. Reg. XXI, 20. Tandem accedunt 8) varia divinitatis documenta, quibus ſupremum Numen autoritatem ſervis ſuis aſſerebat, cum vel repentina ac ſolita vindicta in eos animadverteret, qui pertinaciter illis nitebantur, Num. XII. XVI. 2. Reg. I. & II. vel tam proſpectuſ prædicationi ipſorum largiretur ſuccellus, ut humanæ cunditiæ ſortem illi ſuperarent, vel quocunque alio modo ſibi ipliſ conciliaret. Addunt alii alia, & in eis explicandis ſolixe & cum cura verſantur, e noſtris b. Hülſemann. *Prolegomena in Jerem. cap. VI. pag. 26.* & b. Urfinus *Analect. Sacra.*



*Vol. II. Lib. IV. cap. 7. pag. 170 sq. e Reformatis cumprimis Witfius T. I. Miscellan. sacr. Lib. I. cap. XV. pag. 131 sqq. & Dav. Knibbe Histor. Prophetar. Lib. I. cap. 18. pag. 132 sqq. e Judais tandem, & ex ipsorum mente, collocutor ille Limborchii in amica collatione de veritate religionis Christianae, scripto III. quaesito 3. num. 1. 7. 8. 9. p. 95. 107 sqq. ad quos L. B. remittimus. Reliqua sat multa, quæ de necessitate & utilitate Prophetarum & vaticiniorum, de eorum fine, autoritate ac honore, miseriis rursus & afflictionibus, gravitate muneris, tum quoque de eorum victu, vestitu, unctione, tandem de Prophetarum V. T. duratione atque termino &c. afferri in medium poterant, nunc quidem, tempore exclusi, aliisque nimium distracti occupationibus, scientes præterimus; DEO O. M. pro præstito nobis auxilio suo, gratias decernentes immortales.*

